



明詩紀事

貴陽陳書田輯



陶成一首

成字孟學寶應人成化辛卯舉人

圖繪寶鑑續纂孟學自號雲湖仙人畫山水多用青綠尤喜作釣勒竹兔與鶴鹿皆妙

無聲詩史孟學散儻不羈有米南宮郭忠恕之風而豪蕩過之

靜志居詩話雲湖寫人物山水最工予嘗從喬侍讀

湖語之曰聞張家灣某氏曰香花盛開也計偕入都雲

平凌谿云去禮部試僅三日公無往雲湖不許明日

凌谿他避雲湖乘輿徑去醉主人家五日榜發凌谿中式比還鄉人饋錢賀凌谿雲湖於席上畫丁香

遊白雲觀

丁籤卷十一下

一

珠箔沈沈護曉霞人間何處有仙家紫簫吹上瑤臺月丹氣

蒸開玉洞花一路和風回細草兩溪新漲浸平沙遊觀不盡

登臨興引領天門步日斜

豐坊 六首

坊字存禮鄞人嘉靖癸未進士除禮部主事諫大禮

受杖改南吏部主事謫通州判官以吏議免坐法竄

吳中改名道生字人翁有南禺集

芝園定集南禺質稟靈奇才彰卓詭論事則談鋒橫

出摘詞則藻撰立成九流百家罔不涉其津涯七步

八又未足誇其捷麗士林擬之鳳毛藝苑方諸逸駟  
然而性不諧俗行或鑿中片語合意輒出肺肝相唱  
睚眦蒙嗔卽援矛戟交刺亦或專媠母為婢娟斥蘭  
荃為養榮旁若無人罕所顧忌知者以為激詭不知

者以爲誕罔也繇是雌黃間作轉相詆譏出有爭席  
之夫居無式閭之敬鴉衣藍縷濕突不炊童奴絕粒  
而適亡賓容過門而不入竟願以終其身悲夫  
藝苑卮言豐道生詩如沙苑馬驚駭相半恣情馳騁  
中多敗蹶  
詹氏小辨南馬外史爲人逸出法紀外而書學極博  
詹氏並能諸家自魏晉以及國朝靡不兼通規矩盡  
從手出蓋工於執筆者也以故其書大有腕力特神  
韻稍不足  
書史會要豐坊草書自晉唐而來無今人一筆態度  
唯喜用枯筆乏風韻耳  
孫鑛書畫跋跋余生平見南馬草書甚多皆精勁有  
古法臨古帖尤妙唐元卿稱爲我朝第一  
列朝詩集存禮高才博學下筆數千言立就於十三  
經皆別爲訓詁鉤新索累每託名古本或外國碑刻  
所傳石經大學子貢詩傳皆其僞謬也家藏古碑刻  
甚富臨摹亂真爲人譏定法書以真易贗不可窮詰  
爲人狂誕傲僻縱口狗意所至人畏而惡之常要邑  
子沈嘉則具盛饌結忘年交相得甚驩或問之曰是  
嘗姍笑公詩卽大怒設醮上章詛之上帝所詛凡三  
等一皆公卿大夫有仇隙者二等則布衣文士嘉  
則爲首三等鼠蠅蚊蚤虱其狂易可笑皆此類也

丁籤卷十一下

甬上耆舊集世廟議崇興獻禮人翁與父學士熙同  
哭棟受杖闕下學士飯沒戍所人翁復言其父前諫  
太廟相嵩生其議上從之然人翁竟不得錄入歸益  
自逸放詩深合古法雖時爲牢騷殊未盡其狂也  
田接南馬工書於時人中惟文徵仲祝枝山陸子淵  
稍見許可而於馬一龍沈懣王逢元陳鶴楊珂沈仕  
皆痛詆醜擬不遺餘力其評沈任書云如夏四倚主  
夏四乃時相貴溪幹僕一時氣傲殊甚其滑稽玩世  
類此余謂南馬以議禮背貴溪分宜者不稍愈乎詩  
陵君也視當時之趨承貴溪分宜者不稍愈乎詩  
亦激宕凌厲寫其牢騷不平之氣才人不得志大抵  
類此不足怪也

獨漉篇

上天陰陰雲多風疾風疾尙可雲多蔽日野狐哀鳴求匹于  
藪我欲殪之念其無友文彪徽絜爪牙無施我心懷憤與之  
同悲魚潛在淵不見其形悲歌躑躅孰知我情黃鳥翩翩在

彼江涯凌風一舉燕雀安知

雜詩

孤松挺穹壁下臨萬里波激湍嚙其根驚颯撼其柯紛紛穴  
赤蟻裊裊纏青蘿羣攻未云已生意當如何嚴霜一夕墜高  
標復嗟峨君子固窮節感慨成悲歌

病馬行贈少宰何燕泉

路傍病馬棄不收乃是天上眞驂騮君王玄默罷遠遊爾輩  
逸氣空橫秋憶昔山西戰爭起嫖姚手提三尺水夜半傳呼  
振鐵衣材官十萬同殊死此時銀鞍出塞行甲光一道如流  
星宵突重圍忽拉解晨馳厚陣皆奔崩歸來步向丹闕東圍  
人太僕俱動容卻疑房宿觸地裂百仞躍出悲泉龍茂陵蕭  
蕭土花碧王良旣死誰復惜非關暫蹶損前功端爲一鳴終  
見斥陰陰高高八荒昏灑淚不到長安塵日落荒城烏棲背  
天明野田霜滿身聞說胡窺白登道邊人被殺如刈草用爾  
豈無騰驪力冉冉年華坐垂老出門偶見令我哀買骨誰置  
千金臺試問天閑十二駟卽今未必非駑材

清明日

驟雨清明日繁花半欲飛流年兼病長客舍獨春歸東海稀  
魚雁西山富蕨薇何當出游衍長此謝陰霏

晚秋遣懷

身世眞相棄清貧久自忘蒼苔緣破屋黃葉滿空牀飯借僧  
厨米燈分佛殿光猶餘五經笥一任鬢爲霜

己巳人日卽事

春霧蒙花柳春禽語屋檐絕糧長獨榻避世只空簾藥餌貧

難致文章老更耽亦知玄覆瓿千載俟相譚

王寵二十首

寵字履仁更字履吉吳人以諸生貢入太學有雅宜

山人集十卷

國寶新編王履吉清夷廉曠與物無競人疑之黃叔度詩辭刻尚風骨擺脫輕靡陶鎔李杜汰滌情文既正體裁復減蹊徑可謂後來之高足惜乎天不假年進而未止學士胡其汗血可也行書疏秀出塵頗得晉法

胥臺集山人詩才力雄闊辭篇麗瞻去輕靡而就沈著尚鋪綴而略陶鎔又白雀諸篇興寄冲玄思調清逸遂窺陶謝之堂幾入王孟之室  
甫田集王君風儀玉立舉止軒揭讀書石湖之上園息長林豐草間含隱賦詩倚席而歌邈然有子載之

丁籤卷十一下

四

思續吳先賢讚吳書學自末克祝允明逮王寵皆名得魏晉法寵所為詩與文微明相若而格少尚之藝苑卮言王履吉詩如鄉少年久遊都會風流詳雅而不盡脫本來面目又似揚州大宴雖鮮珍水陸而時有宿味

四友齋叢說文衡山之後當以王雅宜為第一蓋其書本於大令兼之八品高曠故神韻超絕迥出諸人之上雅宜詩清警絕倫無一點塵俗氣真所謂天上謫仙人也所欠者沈著耳

六硯齋筆記王履吉不畫名偶然興到隨筆點染深得大癡雲林墨外之趣可見高人胸中無所不能無聲詩史雅宜山人書法出入晉唐詩亦清新絕俗作畫仿黃子久蒼秀處不減徵仲嘗自題云遠岸疏林斜日外春風碧水草堂前匡廬突兀開屏障坐看銀河一道懸

明詩選李舒章曰履吉風華雉雉自有駮骨陳臥子曰履吉中首山詩追蹤顏光祿

駮駿改轍而北

明詩別裁履吉圭臬顏謝痕迹未融然爾時吳中詩格以履吉為最七言律亦頗沈鬱或者必以摹古短

之何也  
田按履吉五古步趨顏謝亦時希踪左阮固是吳中  
俊特其贈邊太常詩云中州兩龍奮東魯一鳳摩傾  
倒李何與邊至矣牧齋北轅之論是履吉得力處不  
得以此訾議

### 還山作

恭承休明日九軌今一家進則縮龜玉退則蟄龍蛇吾道苟  
不虧安用事咄嗟山川日閒曠土風頗清嘉躡步陵絕峴流  
目玩歸霞鳴嚶嚶以豫楊林蕙漸花風光枝上汎日采水中  
華感物脊彌結悟空理已遐永言詠玄寂聊以遣紛華

### 過石公山

島嶼屢崩奔石林突參錯朝雲正吐秀冬水亦漸涸槎牙熊  
豹蹲蜷曲蛟龍蟻波濤激中洞嵐靄紛上薄金膏赤日流石

### 丁籤卷十一下

五

鏡青天靄表靈徵名圖延賞諸幽諾蒼鼠不驚人丹楓時自  
落茲焉可投綸畢志甘場藿

### 入銷夏灣

千山翫迴轉雙闕開嶙峋圍作玉鏡潭流水桃花春雞犬自  
甲子衣冠乃秦民表裏重湖阻丹青四望勻孤風表日觀羣  
嶂摩天垠波光別駘蕩霞采相鮮新疑觴西王池誤攀織女  
津海鷗戲蘭薄游儵瑩心神牙橋悲昔年玉輦罷今巡榮華  
無常玩山水有天眞塵纓聊以濯慚爾權歌人

### 曲巖

乘雲歛先登攀崖紛廣眺孤峯上寒日平楚騰餘燒天高風  
物緊地迴山川竅饑蹠仁陸梁哀鴻相叫嘯企石揖雲帆披

霞迎海嶠空水共汎瀾虛無自余照林深養谷神壁仄團景  
曜光風爛芝苓玉髓滋蘿烏樵隱自夷猶末路多奔峭懷哉  
由里公千春可同調

送錢太常元抑祠祭顯陵

江漢朝百靈絳節集鄢郢興國奠其陽虹蜺熠光景象設開  
天庭環衛森五嶺齋房產靈芝玉醴出金井神遊駕虛無劍  
鳥存遺影灑埽祠官虔七鬯皇情耿太常典秩宗精白一心  
秉龍顏授玉冊殿上親祇領竝端佩衝牙陟降瑤壇靜風清  
靈旗翻天赤御氣罔宗禋日輝光松柏載崇整山河扶棟梁  
虎旅肅藩屏還輶告成命弭節爲俄頃備聞古夔龍密布金  
華省彷彿弘治風廷論多骨鯁我輩飽藜藿散髮從箕穎

丁籤卷十一下

六

月夜登上方絕頂

乾坤一銀海萬境羣動滅狂殺王子猷疑是山陰雪披襟當  
雄風酒後覺耳熱山精忽夜嘯谷響崖竹裂恫怛非人間身  
世殊陞絕結束昇天行星斗爲珮玦倒窺山河影嗟峨鏡中  
列始知飛仙人五嶽視邱垤紫霧何濛濛入口皆玉屑幾時  
丹砂成白日翔鸞節

送陳子齡會試

夙昔卧林壑與子多緒言方軌共行遊遊彼竹素園古人不  
可作志節照當年垂爲日星文流爲河漢源中夜撫枕嘆思  
與比翼騫龍淵不在握壯志成煩寃日月忽我邁荃蕙甯久  
繁努力愛光景及子朝陽暎鳥飛不厭高獸挺各爭先策足

據要津慰我孤窮魂

分得滕王閣送盧駕部師陳

江漢紀南服衡廬奠朱方河山阻襟帶表裏望荆襄列雉鬱  
參錯樹羽盡飛揚風清彭蠡灑雲起昭邱陽帝子握龍節磐  
石荒楚疆中天抗瑤榭倒景垂虹梁鳴鸞謝千載遺構想靈  
光夫君勤王事流覽恣方羊霜淒百卉素日落千山蒼悼古  
志愉悅遭時氣騰驪北首報明主端笏拱巖廊

渡江望金山

肅船沂洪濤挂席展奇峒頗懷濟川人復羨臨濠樂茲山絕  
地脈江海秀磅礴突起無曼延中流自灑濤太華巨靈擘龍  
門神禹鑿嶮峭由代工位置非天作仰干斗牛精俯枕川藪  
絡中虛釀靈潤外觀表封略樓宇盡騫騰嵐嵐翠紛沃若潮音  
雜鐘梵人語怒蛟鱷余本水鄉士夙負滄洲諾一邱可棲遲  
萬事甘零落

飲顧淄川榮夫

昔掌淄川筵今耽竹林賞解龜豈年及乘興非外獎偶會禽  
尚心彌肆雲蘿想經始中園廬蘭橑陰閑傲清波過庭激紫  
蔓緣籬上薑芋抽薪萌菰蒲連宿芥差池喧烏覆灑濤驚魚  
響息陰聊舉爵臨涯時抱杖英英白雲游纏纏鮮飈蕩興遠  
集蕭晨蘊眞愜吾黨蟬蛻迹已冥鸞翔意俱往方敦塵外交  
言稅區中鞅

古意

主父朝上書夕召甘泉宮公孫棄東海歛起如旋蓬王猛三秦豪賣畚洛城東馬周起徒步躐首虬鬚公達人貴憑化一蛇而一龍碌碌不玉如落落非石同老氏得其真善應入無窮長嘯出鼎門高步躡華嵩儻遇王子喬攜手入雲中

丁丑天王寺竹林

東坡題

雅志愛雲竹相看如故人玲瓏動風色瀟灑見天眞枕簟開新夏鶯花追晚春欲將疏懶性一問遠公鄰

晚過竹院

竹院迷青靄祇園橫翠微松門晚霞抱雪壁秋花飛湖迴習池似臺荒吳苑非蒼蒼暝蘿合還趁漁樵歸

六月十日諸袁攜酒相過

丁籤卷十一下

八

堂上書生據槁梧一樽衰肺覺全蘇從知袁紹逃河朔更賞王戎戀酒壚酒轍難忘頻煦沫此身無賴祇江湖不妨久坐論肝腑紅燭淋漓清夜徂

湖夜

水月蒼蒼相蕩摩四天風起碎星河狂來直欲吞雲夢老去甯辭著芰荷綠酒藏眞時嘯傲青山伴夜行歌金輿玉座千年事腸斷吳江東逝波

白龍洞

白龍卧巖洞霧雨長冥冥或化白衣老空山來聽經

春盡

榮華夢想今何在江湖飄零未有涯可惜少年留不得東風

二十五回花

古泉新霽對丹楓作

紙窗斐几竹間房一樹丹楓倚夕陽  
啜盡茶甌猶不去野人偏自戀秋光

看杏花

宿雨初收麗晚霞江煙澹澹薄籠紗  
山家翠壁團春色野客敲門看杏花

白雀返棹李王二子送余過虞山下作

芙蓉疊壁錯奇錦琉璃千頃搖青空  
把酒掀簾一長嘯眞堪狂殺米南宮

丁籤

祝允明 五首

允明字希哲長洲人弘治壬子舉人除興甯知縣遷應天通判有祝氏集略三十卷又有金縷醉紅窺簾

暢哉擲果拂絃期期等集

國寶新編希哲超類絕人讀書過目成誦鉅細精粗成於腹笥有觸斯應無間俚鄙書學精工自急就以逮虞趙上下數千年變體罔不得其結構若羲獻真行懷素狂草尤臻妙筆本朝書品不知合置誰左續吳先賢讚允明生五歲能書過目即誦為詩時有壯語書法得魏晉人體藝苑厄言祝希哲詩如盲賈人張肆頗有珍玩位置總雜不堪楷法自元常二王永師祝監率更河南吳

丁籤卷十二

一

興狂素顛旭北海眉山豫章襄陽靡不臨寫工絕腕節變化出入不可端倪倪風骨爛漫天眞縱逸直足上配吳興他所不論也珊瑚網文徵明日吾鄉前輩書家稱武功伯徐公文為太僕少卿李公李楷法師歐顏而徐公草書出於顛素枝山先生武功外孫太僕之婿也早歲楷筆精謹實師婦翁而草法奔放出於外父蓋兼二父之美而自成一家者容臺集枝指山人書如絲裏鍼如印印泥王澍虛舟題跋平生見祝京兆書凡數十百卷莫有同者蓋書到熟來無心於變自然觸手盡變者也吾嘗論有明一代書法祝京兆變化不拘董宗伯天才超軼二公於三百年來足可籠罩翁方綱復初齋集今日書家皆知祝書小楷勝其大草然予見其行書合歐褚為一手直追晉法不易幾也王虛舟乃譏枝山骨韻未清殆僅見其贗蹟歟田按枝指生言情之作頗有麗藻不盡合轍書法深得古人神髓有口號云枝山老子鬢蒼浪萬事遺來刺得狂從此日和先友對十年漢晉十年唐可以知其攻苦矣

吳趨

閬闔紅樓起皋橋淥水迴綺羅搖日麗車馬逐雲來施且非  
吳豔機雲是晉才欲歌遺古調風俗轉堪哀

春陽曲

錢唐蘇小小京洛董嬌嬈穠芳競桃李清潤並瓊瑤頽山左  
右倚因風上下飄東鄰不姓宋無恡一相邀

春遊虎邱

春光滿郊野吾獨愛西邱碧水一池定白雲千頃流散人歌  
小海幼伎撥篋篋遠著謝公屐高登王粲樓人生一杯酒又  
是一年遊

贈承公

牆外西林是寶坊林間高臥有支郎定回斜日雲穿衲吟斷  
寒更月滿牀妙梵遠通潮隱隱清修分與柏蒼蒼何時爲取  
無生語共了跌蒲一夜長

武帝傳

柞宮憑几畫成王淚落銅仙月似霜王母不來方朔死茂陵  
松柏自斜陽

陸深六首

深字子淵上海人弘治乙丑進士改庶吉士授編修  
歷司業祭酒請廷平同知遷山西提學副使改浙江  
歷江西參政四川布政使召拜光祿卿改太常兼侍  
讀學士進詹事贈禮部侍郎諡文裕有儼山集一百  
卷續集十卷

唐錦龍江集國初吾松多以書學名天下久已絕響  
公近奮起遂凌躐前人而處其上識者謂趙文敏後  
一人非諛詞也

藝苑卮言陸子淵詩如入賞官作文語雅步雖自有  
餘未脫本來面目

詞林人物考子淵字學比於趙松雪每過同舍見鬆  
几輒縱筆塗寫若無人品騰古今商確事理賞析

文義辨識書畫古品談鋒洒然一座盡傾  
莫是龍石秀齋集陸文裕自言吾與吳興同師北海

海內人以吾為取法於趙究論其風力實出吳興之  
上

明詩選陳臥子曰子淵氣尚清拔學非深造  
田按子淵論詩云近時李獻吉何仲默最工姑自其

近體論之似落人格套雖謂之擬作可也然其自作  
乃平衍敷衍去李何尚遠書法在明人中不失為第  
二流

### 春山辭贈別何舍人仲默

登長坂望故都辭帝闈兮南驚渡河梁兮春波時一去兮難

再怨芳歲兮蹉跎赴山靈兮夙約返初服兮苾羅林深兮春

### 丁籤卷十二

三

暮草靡兮雲和猿避席兮空谷樹開障兮崇阿左蘭兮右芷

牽芙蓉兮馨蘿聊倘佯兮寤歎澹容與兮嘯歌望佳人兮不

可卽眇千里兮傷如何

### 徐州洪次韻

表裏山河勝東泉復上流斜陽明石佛古堞遶徐州谿影尤

宜月潮聲不待秋去來風雨橫奇絕冠茲遊

### 劉蕡祠

諫議千年自有祠唐朝宮闕黍離離多情瘦馬衝寒到無數

青山落照遲往事空傳臺下駿靈風常滿廟中旗冰霜入夜

頻搔首欲奠芳椒侑楚詞

### 清明出行阡邱

病來廿日始勝冠花柳清明滿畫闌  
二月光陰半晴兩百年  
塵世幾悲歡王孫芳草連天碧燕子東風作陣寒萬事山頭  
一坏土麒麟留得後人看

素履齋

新裁紙帳木棉裘曲几圍屏事事幽  
明月射窗殘雪霽夜深  
人在水晶樓

王兵憲于澤以二力士送予遣還

紅袍白面好兒郎燕趙豪華獨擅場  
贈汝長纓三百尺樓閣  
西去縛名王

黃雲 五首

雲字應龍崑山人以貢授瑞州訓導有丹巖集十卷

丁籤卷十二

四

蘇州志黃雲文宗坡老書法山谷  
靜志居詩話丹巖詩雖未純然勝林屋十倍  
田按應龍與沈石田爲素交有奇石用求畫詩云五  
日十日畫水石經句亦可成一幅我求君畫故作難  
三四年過將五六人來莫怪數附書譬諸能掌吾致  
欲擬乘艇子促迫之又恐收書到城隍題詩再拜所  
執事煩君開緘一寫目忽焉爲我發新興湖上草堂  
風滿竹三茅二華入手筆靜嶸之頂空洞腹經營意  
匠忽貌成闕逸天真洗凡俗厚子之嗜亦多矣豈止  
三月不知肉若合鳥有先生來只向江山寄遐矚語  
頗滑稽亦善鑿別收藏有宋思陵勅岳飛殺賊手詔  
爲祛篋者覆去石田寄詩云思陵西此翰破亦劫飛  
往矯害證逆檜滔天信欺罔此紙後不傳何以暴所  
枉錮子秘密藏何爲世標榜天意流無方假盜理可  
想使之一人傳所見目爲兩盜去轉相售售舊日  
賞存未爲子欣失未爲子愴慰子不平懷詩當發浩  
蕩

日夕

寂居山之阿木葉明返照陰厓凝晚色餘霞尙鮮耀遠心望

煙海孤興凌仙嶠歸牧驅牛馬溪船罷魚釣閉門羣動息默  
以領眾妙

雨中書事

病裏仍愁四十過學書學劍兩蹉跎白翻野飯炊粳稻綠染  
秋衣製芰荷遠道西風吹客鬢空江暮雨溼漁叢村醪急辦  
青錢買兒女燈前且笑歌

題春草圖

野燒痕回一雨過村童放牧散平坡禰衡洲畔埋愁遠建業  
城邊積恨多誰見夜深嘶石馬但愁歲久沒銅駝江淹賦別  
魂銷處春水年年自綠波

題雲林畫二首

丁籤卷十二

五

過雨山如罨畫明溪聲直到白雲亭雲遮不斷溪聲去流出  
平蕪兩岸青

白髮雲林老畫師一生辛苦竟誰知何須更上峰頭望滿目

清秋滿目詩

蔡羽九首

羽字九達吳人以太學生除南翰林孔目有林屋集

二十卷南館集十三卷

甫田集九達詩晚更沈著時出奇麗  
藝苑卮言蔡九達詩如灌莽中薔薇汀際小鳥時復  
娟然一覽而已

國雅九達整秀

太湖備考陶周望云余曩年讀蔡羽洞庭記知有是  
山又以茲山知羽後四年始至山中急欲就鄉人問  
羽天王寺僧澄源者好事知文墨爲余言山有東西  
蔡村族最盛而羽怪誕有三間齋已處其中縹藁爲

人令腰膝俱可屈曲朝課易夕課四書自爲解而置  
傳注几旁每開卷便大誦曰某甲謬甚叱童輒正衣  
冠北面而鏡拜譽其影曰易洞先生爾言何妙吾今  
拜先生矣羽尤以善易自負故稱易洞也  
六硯齋筆記蔡林屋行押書道美有逸韻  
田按羽妄自矜誇解經薄古人談詩文則卑韓杜如  
周望所云抑何可笑竹垞謂羽集詩賦入二百餘首文  
二百餘首恆河之沙鉤金安在詆之亦過余爲採掇  
菁華亦是六朝人佳製

### 宴韓子承宗葑溪草堂與劉時服

中丞高館舊公子翠屏開曲水當門轉飛梁夾樹來花枝晝  
吐豔水氣煖生苔樂意關啼鳥閒情付酒杯醉來白幘岸時  
傍碧溪回夢得新能賦雲霞費翦裁

### 贈金子坤

別子蘭蛻花相逢竹生籜閒門風自開虛徑雲常鑰已煩揮

### 丁籤卷十二

六

塵談未愜聽猿酌爲埽南山石秋眠看泉落

### 從新河至楓橋次李氏

垂虹一十餘滄洲次第歷波盪綺閣簾風送樓船笛萍迴開  
明鏡渚緗淹去鷁出入山水間漸覺塵土滌寵少憂亦輕形  
神獲雙寂

### 虎山橋

初出山腹中復見水行處透迤得平墟蒼茫急回顧山梁不  
爲高延攬自成趣風條薄林翠珍木接葉香前葩未及瘁後  
萼重競芳朝遊屢過煙霞石夜宿曾投松柏房從來不識銅  
坑面今日青青落吾掌上斂何明媚下斂亦清朗楊花飛飛  
青錦陂荇葉差差木蘭漿前帆乍滅後榜興長川引領雲憑

憑游絲亂起煖氣昏須臾不見西華村東風吹亂鷓鴣羣水  
西顏色何紛紛繫馬芳祠忘夕曛

覆舟山臨望

覆舟山頭霽景明長松落落崖石平迴巒秀嶺低復昂傳聞  
此地爲臺城南望建章宮佳氣何鬱葱秦淮樹中流遙與宮  
門通城中萬井如碁畫楊柳煙中分紫陌內園蘭桂浮温香  
戚里池臺蕩朱碧鳳凰樓閣無處尋臨春結綺作梵林樽前  
卻是樂遊苑市朝更改成古今登臨易頭白銜杯落江日回  
望北湖煙蟬鳴樹蕭瑟秋波慘淡荷菱花玉鳧錦雞踏浪霞  
西曹已鳴馬東署復報衙冥冥湖底月寂寂城頭鴉停琴送  
盡飛鴻影引領天邊不見家

丁籤卷十二

七

送張西谷

茂先偏博物顧我意殊深客倦辭梁苑秋悲復楚吟空江明  
月棹高興碧雲岑別後魚牋早無令霜滿林

龍江驛曉發

朱門欲開猶未開煙花已簇鳳凰臺龍江棹歌天上去魚鳧  
春色鏡中來星流寶匣青霜劍柳拂長亭綠酒杯白狗赤雞  
何處去王孫原上起塵埃

吳門

錦帆寂寞鴛湖非山色含顰日落暉莫道千秋無勝事白鷗  
猶拂畫欄飛

陸包山述李三塘見推爲題畫

披展雲山話雨中土龍人品李膺風荊州士論虛叨忝借筆  
題詩看洗桐

張靈一首

靈字夢晉吳人

丹青志張夢晉與唐寅氣志雅合又俱善畫夢晉人物冠服玄古形色清眞無卑庸之氣山水筆生墨動

斬然絕塵

姑蘇名賢小志夢晉能畫人物高遠有致然惟掩其醉得之莫可購取

山靜居畫論

張夢晉風流蘊藉子畏流輩筆法妍雅亦嫌似間耳

存餘堂詩話夢晉吳中名士早歲功名未偶落魄不羈寄情詩酒間臨終之前三日作詩云一枚蟬蛻榻

當中命也難辭付太空垂死尙思玄墓麓滿山寒雪

一林松可以想見其風致

對酒

丁籤卷十二

八

隱隱江城玉漏催勸君須盡掌中杯高樓明月笙歌夜知是

人生第幾回

靜志居詩話夢晉狂生遊枝指生之門其畫山水足亞伯虎對酒一詩可稱絕唱

雷鯉五首

鯉字惟化自號半窗山人建安人

無聲詩史半窗善畫山水人物篆隸道勁田按半窗畫流傳甚少詩特風致翩翩

題畫五首

竹外是誰家茆屋桃花裏問春春不知閒行過流水

鳥外風煙古寺迴半帆倒挂夕陽來江天物色無人管處處

野棠花自開

竹杖芒鞋一徑深山橋晴漲瀉松陰隔江亭子是何處紅葉

白雲秋滿林

朔雪江天草樹寒小齋日日倚清酣牀頭酒盡無人到吟對

梅花只自看

滄江碧浪飛紅葉峭壁孤峰倚斷雲一舸圖書兩詩客海天

秋思屬平分

史忠一首

忠字端本一字廷直號癡翁上元人

金陵瑣事史癡山水人物自寫胸中逸氣不可以畫之常格求之

畫史會要癡道人善畫似方方壺長於雲山圖瀟灑不羣

田按癡翁築臥癡樓近冶城引客談笑呼盧其中酒酣翮管為新聲樂府略不構思或五六十曲或百曲

同時陳大聲徐子仁皆自以為弗如畫山水樹石縱筆揮寫嘗訪沈石田於吳門沈他出堂有素絹潑墨

丁籤卷十二

九

成山水巨幅不通名姓而去石田曰必金陵史癡也

要之歸留三月而別石田至金陵亦館臥癡樓為作

儼贊曰玩世滑稽風韻月癡灑筆淋漓水走山飛癡

喜曰石田翁為我寫真也有妾何氏名玉仙號白雲

道人能篆書小畫解音律癡求兩京絕手琵琶張祿

授以南北曲自度新詞被之有詩紀事云忽雷會說

鄭中丞不似女郎樓上聽此日白雲推卻處癡翁清

賞倚雲屏女笄當嫁婿家貧不能具禮詭辭攜女觀

燈與其婦送之婿家大噪而去與赤松山農金琮為

素交盛時泰合編二人詩題曰金陵二隱稿未授梓

煨於火政禎間翁裔孫志英更輯癡翁遺集今亦不

題畫

兩晴江館洞雲歸桑落人家半掩扉好是痴翁真不俗揮毫

便作米元暉

陳鐸一首

鐸字大聲下邳人雖窮伯文之曾孫世襲指揮家南

京有秋碧軒雪香亭稿

野獲編今傳誦南曲如東風轉歲華云是元人高則誠不知乃陳大聲與徐髯仙聯句也今人但知陳大聲南湖之工耳其北一枝花天空碧水澄全套與馬致遠百歲光陰皆咏秋景真堪伯仲又題情新水合碧桃花外一聲鐘全套亦絳麗不減元人本朝詞手似無勝之者

帝里明代人文略黃錦衣琳字美之家有富文堂一歲元宵大集聲樂九峰徐君秋碧陳君稱上客美之日今日佳會舊詞非所用也請二公聯句即命工度諸絃索何如一公揮翰甫畢一調即命工者肄之既合成而奏之一時交傳以為元宵勝事

金陵瑣事陳指揮大聲齋居云晚樹低分霽春雲淡隔城夜往新豐鄉云山月巧窺人影瘦夜深先向客衣生

無聲詩史陳大聲山水仿沈啟商繪一幘送史廷臣自題絕句云情深此日難為別相送元方又季方萬里楚江孤棹迴穩吟秋色到維揚

次與仲和聯句韻

丁籤卷十二

臥病經年喜遇君草堂清話到斜曛濁醪拚取樽前醉險韻何妨席上分冷雨小蛩鳴切切輕風殘葉下紛紛也知別後還相憶何處鐘聲隔暮雲

徐霖二首

霖字子仁吳人徙南京補諸生坐事削籍武宗南狩召見欲官之固辭賜飛魚服扈從還京後歸里有麗藻堂稿

藻堂稿

金陵瑣事徐霖少年數遊狹斜所填南北詞大有才情語語入律吳中文徵仲題畫寄自句云樂府新傳桃葉渡彩毫遍寫薛濤箋迺實錄也武宗南狩伶人臧賢薦之於上召命禁直霖作詩紀之云封禪無書何獻納清平有調幸遭逢及放歸作詩云放歸吾願遂計日便還鄉免上乞骸疏將求辟穀方無心判恩怨有道管行藏耿耿思君念他生亦不忘帝里明代人物略九峰徐子仁豪爽迭宕開快園武

定橋東中有翠篠清澗芳林幽砌臺曰振衣刻名公  
題詠下有麗藻堂喬伯岩書晚靜閣文衡山書風流  
噴達一時豪貴悉禮下之武宗南狩幸其晚靜閣釣  
魚得金鯉又失足落池中今園有宸章堂浴龍池紀  
其實也

藝苑卮言徐霖好堆墨書神采爛然

名山藏子仁象登神品真行皆入精妙碑板書師顏  
柳題榜大書師詹孟舉並絕海內武宗兩幸其宅子  
仁故長髯武宗手剪之以為拂子因自號髯翁  
畫史會要徐髯仙雖不以丹青名所畫松竹花草蕉  
石皆精雅可愛  
無聲詩史子仁工詞翰旁及篆書并山水花卉無不  
臻妙

### 昭慶寺

寺內尋幽勝躋攀興轉豪空廊塵壁暗古殿戒壇高禪味誰  
眞悟形骸自作勞無文來發願雙鬢愧刁騷

### 桐城歸舟漫興

#### 丁籤卷十二

老翁七十未偷閒浩淼江城去復還覽鏡愧難留黑髮當杯  
狂欲醉青山仰窺鵬鷲雲霄上近狎鳧鷖洲渚間誰謂衰年  
全省事獨於詩興不曾慳

### 郭詡一首

### 詡字仁宏泰和人

名山藏郭詡自號清狂少從事學官弟子業去而極  
其能於畫遍歷名山曰豈必譜也畫在是矣同時江  
夏吳偉北海杜堃姑蘇沈周俱以畫名莫不延頸願  
交天下競傳清狂畫購之百金  
畫史會要清狂道人肆意手摹即成山水畫已題詩  
其上間作辟穀抱膝等圖題云仰看青天小於席茫  
茫萬古如一日世間無處可逃名走入龍宮學吹笛

### 題畫

流落人間四十年并無人識是神仙天涯地角無多地只借

洪厓一夜眠

景卿一首

卿字夢弼南京人

金陵瑣事景卿善小景花草

題白寫杏花

晴園紅粉護春煙彷彿江村二月天記得踏青回首處一枝斜拂酒樓前

高澂一首

澂字宗呂侯官人有石門集六卷

閩畫記高澂工山水花卉人物翎毛用墨濃潤運筆古雅出入宋元四大家各造其妙

微臍入編侯官高澂號霞居子善隸草八分詩畫皆逸品登岳陽樓云殘雨數峰衝嶽曉暮雲孤樹洞庭

丁籤卷十二

秋亦有畫意

三

羅山月下遣興

石門道人真好奇角巾野服駭羣兒慣隨白鳥行偏健貪看青山坐不辭世短每憐長伏枕家貧猶自苦吟詩杖藜來往羅山月此意惟應野老知

明詩紀事

貴陽陳田輯

王守仁 十七首

一籤

守仁字伯安餘姚人弘治己未進士授刑部主事改兵部以忤劉瑾杖闕下謫貴州龍場驛丞起南刑部主事改吏部歷員外郎中遷南太僕少卿進鴻臚卿拜左僉都御史巡撫南贛進右副都御史論平宸濠功擢南兵部尚書封新建伯贈侯諡文成從祀孔子廟庭有陽明全書三十八卷

四庫總目守仁勳業氣節卓然為文博大昏明詩亦秀逸有致

丁籤卷十三

一

升菴集慎嘗反復晉書目王導為叛臣頗為世所駭異後見崔後渠松窗雜錄亦同余近讀陽明紀夢詩尤為卓識其自序曰正德庚辰八月二十八日臥小閣忽夢晉忠臣郭景純以詩示余且極言王導之奸謂世之人徒知王敦之逆而不知王導實陰主之覺而為詩以紀其略詩云秋夜臥小閣夢遊滄海濱海上神仙不可到金銀官闕向嶙峋中有仙人芙蓉巾顧我宛若平生親欣然就語下烟霧自言姓名郭景純攜手慫慫訴衷曲義憤激難具陳切齒尤深怒王導深奸老猾長欺人當年王敦殺伯仁寄書陰欲相緣黃不然三問三不答胡忽使敦殺伯仁寄書陰欲拔太真舌不相為謀敢爾云敦病已篤事已去臨哭嫁禍復賣敦事成同享帝王貴事敗仍為顧命臣幾微隱約亦可見世史掩覆多失真

王藝苑厄言王新建詩如長爪梵志彼法中錚錚動人而為才所使不能深造而衷於法晚節盡舉而歸之道而尚為少年意所累不能渾融而出於自然其自負若兩得而幾所謂兩墮者也以世眼觀之公甫固不如以法眼觀之伯安謔乎後矣

錢德洪陽明年譜先生度不為乃託言投江以脫之因附商船人隨偵先生度不免乃託言投江以脫之因附商船

遊舟山遇颶風一日夜至閩界登岸至一寺寺有異人嘗識於鐵柱宮約二十年相見海上至是出詩有二十年來消息我先聞之句與論出處且將遠適其人曰汝有親在萬一瑾怒逮爾父誣以北走胡南走越何以應之因為書得明夷遂決策返先生題詩壁間曰險夷原不滯胸中何異浮雲過太空夜靜海濤二萬里月明飛錫下天風因取問道由武夷返錢塘赴龍場驛

西湖遊覽志守仁之既擒宸濠也忽傳王師已及徐淮遂乘夜過發至錢塘凜凜憂操作詩云靈鷲高峰暑氣清竺天石壁兩痕晴容來湖上逢雲起僧住峰頭話月明世路久知難直道此身那得尚浮名移家早定孤山計種果誅茅卻易成頃之王師遣人追宸濠復遷江西遂謝病居淨慈寺

鄺露赤雅文成謁伏波廟詩樓船金鼓宿烏蠻魚麗羣丹夜先聲振神武旗來不殺難相見虞廷新氣冢兩階干羽在雲端少時夢中有詩云卷甲歸來馬伏波早年兵法賢毛騮雲迷銅柱雷轟折六字題詩尙不磨文成身後謗與削爵與薏苡之事略同

丁籤卷十三

二

之氣往往涌出於行墨之間明詩選李舒章曰文成才情振拔少年頗擅風雅自講學後多作學究語乃不堪多錄

田按文成謫吾黔龍場驛丞時提學副使席書修葺會城書院率諸生以師事同之是時風氣未開文成舉知行合一之教紛紛異問罔知所入厥後文成弟子道林蔣信以副使提學貴州重舉陽明學旨以教諸生貴陽心菴馬廷錫獨有悟入清平淮海孫應鰲見知於道林思南同野李渭陽明心齋之學又走林陳印證於道林思南明之世吾黔學祖斷以文成爲開先矣文成居龍場有龍岡書院寅賓堂何陋軒君子亭玩易窩陽明小洞天居會城有文明書院居夷集中有諸生來詩云門生願羣集構竿亦時展講習性無樂記問復懷覲諸生夜坐詩云講習有真趣樂談笑無俗流諸生詩云嗟我二三子吾道有真趣胡不攜書來第堂好同住夜宿汪氏園詩云他年貴竹傳遺事應說陽明舊草堂今祀先生於會城之貴山書院城外之美風山藏皮遺像焉斯不祧之俎豆矣

山中立秋日偶書

風吹蟬聲亂林臥驚新秋山池靜澄碧暑氣亦已收青峰出  
白雲突兀成瓊樓袒褐坐溪石對之心悠悠倏忽無定態變  
化不可求浩然發長嘯忽起雙白鷗

登泰山

窮厓不可極飛步凌煙虹危泉瀉石道空影垂雲松千峰互  
攢簇掩映青芙蓉高臺倚巉削傾側臨崆峒失足墮烟霧碎  
骨顛崖中下愚竟難曉摧折紛相從吾方坐日觀披雲嘯天  
風赤水問軒后蒼梧叫重瞳隱隱落天語闐闐開玲瓏去去  
勿復道濁世將焉窮

前答汪抑之二首

北風春尚號浮雲正南馳風雲一相失各在天一涯客子懷

丁籤卷十三

三

往路起視明星稀驅車赴長阪迢迢入嵐霏旅宿蒼山底霧  
雨昏朝彌閒關不足道嗟此白日微切磋懷良友願言毋心  
違

聞子賦茆屋來歸在何年索居間楚越連峰鬱參天緬懷巖  
中隱磴道窮扳緣江雲動蒼壁山月流澄川朝採石上芝暮  
漱松間泉鵝湖有前約鹿洞多遺編寄子春鴻書待我秋江  
船

龍岡新構 有序

諸夷以予穴居頗陰溼請構小廬欣然趨事不月而  
成諸生聞之亦皆來集請名龍岡書院其軒曰何陋  
謫居聊假息荒穢亦須治鑿巖雜林條小構自成趣開窗入

遠峰架屏出深樹墟寨俯透池竹木互蒙翳畦蔬稍漑鋤花  
藥頗雜時宴適豈專予來者得同煎輪奐非致美毋令易傾  
敝

無寐

窮厓多雜樹上與青冥連穿雲下飛瀑誰能識其源但聞清  
猿嘯時見皓鶴翻中有避世士冥寂棲其巔繁子亦同調路  
絕難攀緣

秋夜

樹暝栖翼喧螢飛夜堂靜遙穹出晴月低檐入峰影窅然坐  
幽獨怵爾抱深警年徂道無聞心違迹未屏蕭瑟中林秋雲  
凝松桂冷山泉豈無適離人懷故境安得駕雲鴻高飛越南  
景

丁籤卷十三

四

香山次韻

尋山到山寺得意卻忘山巖樹坐來靜壁蘿春自閒樓臺星  
斗上鐘磬翠微間頓息塵寰念清溪踏月還

尋春

十里湖光放小舟謾尋春事及西疇江鷗意到忽飛去野老  
情深只自留日暮草香含雨氣九峰晴色散溪流吾儕是處  
皆行樂何必蘭亭說舊遊

化城寺

雲端鼓角落星斗松頂袈裟散雨花一百六峰開碧漢八十  
四梯踏紫霞山空仙骨葬金柳春煖石芝抽玉芽獨揮談塵

拂烟霧一笑天地真無涯

歲暮

兀坐經旬成木石忽驚歲暮還思鄉高檐白日不到地深夜  
黠鼠時登牀峰頭霽雪明草閣瀑下古松閒石房溪鶴洞猿  
爾無恙春江歸棹吾相將

移居勝果寺

江上但知山色好峰迴始見寺門開半空虛閣有雲住六月  
深松無暑來病肺正思移枕簟洗心兼得遠塵埃富春咫尺  
煙濤外時倚層霞望釣臺

羅舊驛

客行日日萬峰頭山水南來亦勝遊市谷烏啼村雨暗刺桐

丁籤卷十三

五

花暝石溪幽蠻煙喜過青楊瘴鄉思愁經芳杜洲身在夜郎  
家萬里五雲天北是神州

過天生橋

水光如練落長松雲際天橋隱白虹遊鶴不來華表爛仙人  
一去石橋空徒聞鵲鴛橫秋夕謾說秦鞭到海東移放長江  
還濟險可憐虛卻萬山中

陸廣曉發

初日瞳瞳似曉霞雨痕新霽渡頭沙溪深幾曲雲藏峽樹老  
千年雪作花白鳥去邊回驛路青崖缺處見人家遍行奇勝  
才經此江上無勞羨九華

南菴次韻

隔水樵漁亦幾家  
緣岡石路入溪斜  
松林晚映千峰雨  
楓葉秋連萬樹霞  
漸覺形骸逃物外  
未妨遊樂在天涯  
頻來不用勞僧榻  
已僭汀鷗一席沙

山中示諸生

桃源在何許  
西峰最深處  
不用問漁人  
沿溪踏花去

何瑋一首

瑋字粹夫懷慶衛人  
弘治壬戌進士  
改庶吉士授編修  
歷修撰謫開州同知  
改東昌遷山西提學副使  
改松江歷南太常少卿  
擢工部侍郎改戶部禮部  
進南右都御史贈工部尚書  
諡文定有柏齋集十一卷

四庫總目  
瑋論學一以格致為宗  
集中送湛若水序謂  
甘泉以存心為主  
予以格物致知為先  
非存心固無

丁籤卷十三

六

以為格致之本  
物格知致則心之體  
用益備其生  
平得力在此  
故當時東南學者  
多宗王守仁  
良知之說  
而瑋獨以躬行為本  
不以講學自名  
然論其篤實  
乃在講學諸家上

懷陸子淵

共誰虛室細談玄  
東望江雲意渺然  
憶昔華年今白首  
不堪

吟對菊花天

湛若水 二首

若水字元明增城人  
弘治乙丑進士  
改庶吉士授編

修歷侍讀南祭酒  
擢禮部侍郎進尚書  
改兵部諡文

莊有甘泉集三十二卷

田按甘泉詩莫名其體  
似道家演訣而非  
訣似禪家說偈而非偈  
蓋參合宋擊壤  
明定山諸派而成  
者也  
若北風吹湖船帆  
挂南嶽樹桃李  
默不言流鶯語  
春風漢陂名勝在  
不欠杜陵詩  
夜甕分江水  
春茶煮楚

雲何嘗不清脆但集中不可多得耳

雨中坐樓上書所見

濁酒不得意新詩空自酬冥冥翳白日鬱鬱坐窮愁飛鳥衝風墮歸雲被雨留小舟還數點寂寞在荒洲

遊羅浮

聞歌一夜動幽懷直踏飛雲萬丈崖翠靄浮雲白日暝虹橋有路青天來三月二月春過半千山萬山花正開笑問仙源杳何許雲濤浩浩不堪裁

水簾洞

千秋雲谷還歸我三二求羊作近鄰莫種桃花臨水岸引人來問武陵津

崔銑一首

丁籤卷十三

七

銑字子鍾安陽人弘治乙丑進士選庶吉士授編修以忤劉瑾改南吏部主事瑾誅復故官歷侍讀進南祭酒以劾張璉桂萼失帝旨令致仕用薦起少詹事兼侍讀學士擢南禮部侍郎贈禮部尚書諡文敏有

洹詞十二卷

四庫總目銑力排王守仁之學謂其不當舍良能而談良知故持論行已一歸篤實其爭大禮劾張璉桂萼風節表表亦不愧其言所作政議十篇準今酌古無儒生迂闊之習他若漫記十條而岳飛論一篇稱飛論傳兩則可以靖明代之浮言而岳飛論一篇稱飛之急宜奉詔尤識大體蓋不以文章著而文章自可傳也第十一卷中有嚴嵩鈐山堂集序似涉南園作記之疑然嵩集載此序題嘉靖己亥據明史嵩傳是時方為禮部尚書未操國柄尚無由預識其姦是猶司馬光之於王安石非陸游之於韓侂胄矣

田按文敏講學尊朱抑陸與陽明宗旨不合其論明  
以來詩文源流云洪武文臣皆元材也永樂而後乃  
可得而稱數方天台辭若蘇氏言必周孔大哉志乎  
東里入閣司文既專且久詩法唐文法歐依之者效  
之弘治中南城羅思振類靡獨師韓文其艱思奇  
句偉哉武功康海好馬遷之史入對大廷文制古辯  
元老宿儒見而驚服其時北郡李夢陽申陽何景明  
協表師法曰漢無騷唐無賦宋無詩二子抗節遐舉  
故能成章李之雄厚何之逸爽學者尊如李杜焉惟  
於西涯曾不齒及豈非不滿其相業乎其序羅景鳴  
集云往西涯公處劉瑾張永之際不可言臣節矣土  
惠其私猶曲貸而與之幾亡是非之心而弇州藝苑  
卮言乃侈談火城行觴之遇何哉

### 贈謝茂秦

三月清洄上翩翩兩度來  
搗詞傾玉海弔古賦銅臺  
歧路楊

朱淚江湖李白杯  
令公今謝事回首尙憐才

四溟詩話崔後渠贈子詩楊朱李白自然的對戎昱  
詩曰衛青師自老魏絳賞何功較之後渠精確不及

### 丁籤卷十三

八

明詩紀事

貴陽陳 田輯

丁籤

石存禮 四首

存禮字敬夫益都人弘治庚戌進士官紹興知府

四庫總目海岱會集十二卷明石存禮藍田馮裕劉澄甫陳經黃卿劉淵甫楊應奎八人唱和之詩也嘉靖

乙未丙申間經以禮部侍郎丁憂里居田除名閒住

淵甫未仕存禮等五人並致仕乃結詩社於北郭禪

林後編輯所作成映冠以社約八人皆不以詩名而

其詩皆清雅可觀無不許楊臺閣內詩詞無播違者有

之弊觀其社約中自適性情不復以文壇名譽為

罰一條蓋山間林下自適性情不復以文壇名譽為

事故不隨風氣為轉移而入人皆閒散之身自吟詠

外別無餘事故互相推蔽自少疵類其斐然可誦良

亦有由矣 古夫于亭雜錄吾鄉六郡青州冠蓋最盛世宗時林

下諸老為海岱詩社倡和尤盛其人則馮閻山黃海

亭石來山劉山泉范泉楊灑谷陳東渚而卽墨藍北

山亦以僑居與焉倡和詩凡十二卷無刊本余近訪

得鈔本詩各體皆入格非浪作者閻山卽四馮之父

文敏琦之曾祖山泉范泉則文和珩之孫也

田按敬夫五言古詩有柴桑道韻

幽居

幽居近城府而無城府迹耕鑿樂歲時樵牧共朝夕鳥啼芳

樹深犬吠村巷僻乘閒或杖屨有酒邀鄰客埽石安尊尊葺藉

草為茵席陶然忘外求所願從所適

石門

杖屨從所適愛此石門行川原斂飛雨佳木當春榮興言磐

石間坐看雲氣生徘徊日將夕山水有餘清

夏日山中訪隱士

治世有隱淪幽居出塵境逍遙物外心駘蕩山中景時豐官  
稅輸野曠人迹屏雨晴農事餘禾苗綠幾頃曉來門尙關烏  
啼夢初醒客至啟南軒坐消白晝永遺編共討論微言發深  
省高林暑氣無清風襲衣冷盤桓興未闌夕陽下西嶺

秋意

草蟲階下鳴聽久猶未歇掩卷坐沈寥秋聲振林樾人生無  
幾何爲樂不可輟風吹浮雲開送我半窗月逍遙步前庭孤  
螢自明滅

劉澄甫 二首

澄甫字子靜壽光大學士珥孫正德戊辰進士官

山西參議有山泉集

丁籤卷十四

漁洋詩話花林曠在雲門山南益都山水佳處也山  
泉翁詩云山藏柳市無車馬水隔桃源有子孫馮宗  
伯北海鍾司空龍淵皆屬和

君馬黃

君馬黃臣馬白君馬日立赤墀中臣馬當行雪山磧玉勒嘶  
秋風朔弓抱明月十二閑中雲錦花三千里外胡風沙香闌  
紅顏泣成血邊城白骨多如麻交河北流無青草年年走馬  
交河道

西洲曲

采蓮南渡頭采菱西洲口日落不逢人秋雲重回首

劉淵甫 一首

淵甫字子宏澄甫弟正德庚午舉人官漢陽知府有

海岱稿

半山亭

名亭積翠通幽徑峭壁陰崖掩夕暉夜雨似疑山鬼聽書間  
惟見海鷗飛門當澗壑挂寒瀑棟宿雲霞落草衣一賦薜蘿  
招隱去逍遙塵外澹忘歸

馮裕一首

裕字伯順臨朐人正德戊辰進士累官雲南按察副

使有集

冬月過范泉精舍

面面青山一畝宮菊籬莎逕細泉通土階剩見藤蘿月石檻  
徐來松竹風盡日讀書應自領閉門覓句許誰工黃柑紫蟹  
葡萄酒常對清狂鶴髮翁

丁籤卷十四

三

黃卿四首

卿字時庸益都人正德戊辰進士累官江西布政使

有編荅集

田按編荅詩特矜練在海岱會集中別自一格所著  
編荅詩詩惜今不見

洛陽道

山川開鞏洛九日會中州芳樹夾馳道奇花簇酒樓衣冠盛  
祖篋綺繡相追遊蘇秦佩印日車馬去如流

閩蔣侍御將至

松寺衣冠會高軒多繡遲碧雲斜日合芳草入春滋馬飲淄  
繩曲旌留管晏祠雷琴先拂拭倩客繫朱絲

遊寶峰寺

蘭若登遊開積翠，諸崖環拱鬱嵯峨。雲依樹鶴秋唳塔日，  
穿林麝午過。異代金容雄上黨，中天花雨灑漳河。憑師欲發  
珠林祕，北獻蓬萊意如何。

三關書事

限夷巖赴黃花嶺，石壁重關雁度愁。直北蕭蕭纜百里，黑山  
枯草盡邊頭。

楊應奎一首

應奎字文煥，益都人。正德辛未進士，官南陽知府。有

澗谷集

秋風團扇郎

丁籤卷十四

四

秋風歇團扇，郎心中道變。慙慙度歲寒，夏至還相見。

陳經一首

經字伯常，益都人。正德甲戌進士，累官兵部尚書。加

太子少保

山行過僧菴不入

蘿逕盤青靄，松門隱碧岑。野雲看不極，禪榻倦重尋。樹斷淨  
幢影，巖虛落磬音。何須支遁語，已覺淨塵心。

朱朴十二首

朴字元素，海鹽布衣。有西村集三卷。

四庫總目：朴近體格調清越，閉戶苦吟，人品已高。其詩

品茗茗物表。

橋李詩繫元素性耽詩，自少至老未嘗一日廢。兼善  
繪事，興到輒作雲林小幅。其詩孤清警拔，頗具排古

蕩今之致一時林下諸賢並邀入社與錢東畬徐豐  
厓吳南溪陳勺溪徐東濱陳古厓劉海邨鍾玉泉釋  
許雲邨沈紫峽鍾彥村及僧秋江雪江選辰命篇且  
命畫士繪圖以傳焉

田藝蘅海鹽文獻志西村善繪繪成作蠅頭楷題詩  
其上

居易錄海鹽朱朴西村詩雖未脫臨摹之迹亦有佳  
句七言如數峰蒼翠寺門迴三月落花溪水深椽花

風過蠶蛾老麥秀城深雉子斑千年玉骨湘纍墓萬  
里堅城少保家雁來關塞暮天碧龍起江湖秋色壯

巫峽曉風髻短髻楚江秋水練長裙山圍野色迷秦  
駐海送湖頭上浙江落花時節已寒食流水陂塘還

祓除白雲出岫澹如晴紅藕作花香可憐月明蒼壁  
繫仙舫風細幔亭流白雲此例皆佳

田汝嘉清玉真徐東濱結小瀛洲社會西村以海濱  
一老清吟雅製領袖騷壇仿西園故事倩畫士陳詢

繪岡於立相語者為西邨豐厓西阜聚首閱卷者為  
東畬南溪勾溪挾童過橋者為海邨欲行且顧者為

古厓坐以待奕者為東濱石林東濱序所謂衣冠萃  
止獻酬乃行四美具而二難并三壽朋而五福介化  
無愧於軒裳隱有光於邱壑洵一時勝事也

丁籤卷十四

五

蘿石山人惠松花餅

山風吹林時雨歇雲邊埽落黃金屑并刀割蜜香在手和作  
銅盆百規月老夫肺病方作殃一片入口心胸涼舌根猶含  
兔絲冷腸腑已透龍髯香蘿翁最知我白紙奚囊封一  
裏金莖沆漉常恐詫玉碗酖酥聊許可山中老松三百株崖  
蜂醞液流醒翻春來更製數十斛乞與一斗知能無

謝王兩舟惠靈壽杖

武當山高幾萬丈中有千年靈壽杖金光玉芝秀所鍾生在  
青霞石崑上兩舟先生道者流贈我一枝東海頭琅玕潤滑  
鐵壁瘦昂首屈項蒼精虬老夫病足如跛鼈藉此扶持少顛  
蹶朝出橫拖石壁雲暮歸倒拄溪橋月乘舟著篙馬著鞭凌

高步下無不便爲尋短句謝遣意遠逕啄碎青苔錢不愁化  
龍忽飛去不願提攜朝玉陛但使長挑沽酒錢日日登堂共  
君醉

葦邨爲常州吳通府題

長州吳別駕家在葦花莊好雨煙叢綠涼風露葉黃遠邨通  
角里流水入吳鄉手種沙邊樹他年繫釣航

石屋洞隆公房

我愛巖居宿因過衲子家山蔬和葛粉野飯間胡麻水帶煙  
霞味茶收穀雨芽不知春早晚開到木蘭花

上巳同友出郊

三月三日出郭行風和日暄天氣晴啣泥補巢舊家燕隔水  
喚春何處鶯壚頭小姬酒正熟道傍古墳人自耕勸君行樂

丁籤卷十四

六

貴及早明日清明花滿城

懷句溪

苦憶句溪溪上翁暮年多病少過逢盤飧不乏憐牙健世事  
無聞愛耳聾誰共青燈分半榻白梳白髮對孤峰滄洲寂寞  
鷗鳧散目送征鴻意萬重

扶杖

扶杖東皋望遠山物華消息與情關棟花風過鷺鷥老麥秀  
城深雉子斑誰氏墓田荆棘裏斬新亭館畫圖間道傍惟有  
寒松樹吹盡春風只舊顏

楚江秋曉

練淨澄江露未稀苦吟猶憶謝玄暉六朝往事青山在三楚  
空城白鷺飛霜落水郁菰米熟石高沙岸柳條稀重華一去  
無消息目極蒼梧淚滿衣

茶谷山房

池臺六月興堪乘六曲闌干取次憑簾外午陰緣澗竹水中  
人影過橋僧催詩硯滴銀牀露醒酒瓜嘗玉椀冰白社故人  
閒散地不妨來往喜相仍

東濱席詠芍藥

憶昨臨軒把酒看過年花發又憑闌紅芳有約春筵在白髮  
無情曉鏡寒雲擁畫屏籠繡幄露涵香氣滴銅盤舊家池館  
棠陰下未許風光讓牡丹

丁籤卷十四

七

歌風臺

酒闌歌徹大風詞不是鴻門舞劍時萬里中原皆漢土高皇  
猶有故鄉思

碧雲寺

塢影蕭蕭夕照間碧雲黃葉滿秋山空堂夜冷無燈火惟有  
貧僧乞米還

陳鑑 四首

鑑字用明海鹽布衣有句溪集

構李詩繫句溪詩鮮芳幽情  
田按西村句溪野趣逸情風味略近

雨中喜西村諸君見過

深酌看清雨田家無好春年光餘遯草風味只溪蘋此日有

限日幾人無事人醉眠君未去交誼向吾眞

訪石林

海雨溼山木野泉通竹籬偶隨流水去恰值道人期坐久日  
移午來稀花笑遲小園春事歇滿舉送春卮

句溪暮歸

淨漱滄浪坐晚涼浩歌篷底又斜陽貧能到骨心方逸嬾得  
成癡事盡忘夢裏風煙詩帙亂手中湖海釣絲長東風吹入  
句溪棹碧草清波十里香

讀靖康史

日短中原雁影分空將鑲子寄曹勛黃龍塞上悲笳月祇隔  
臨安一片雲

丁籤卷十四

八

錢琦一首

琦字公良海鹽人正德戊辰進士授盱眙知縣歷南  
刑部郎中出爲臨江知府改思南有東畬集十四卷

遣懷

手種篔簹傍水邊露華抽碧動江煙主人空有他鄉夢辜負  
青青玉可憐

吳昂一首

昂字德翼海鹽人弘治乙丑進士授宜城知縣改新  
建歷兵部刑部郎出爲福建按察僉事終布政使有

南溪集

元旦

晴窗罷檢白雲篇自爇名香起篆煙晚興偶移溪上屐凍梅  
含雪報新年

徐泰一首

泰字子元海鹽人弘治甲子舉人授桐城教諭改蓮

平蕪州學正遷光澤知縣有玉池臺

田按徐子元詩談評騰洪永以來詩人頗稱眞賞所  
輯明風雅四十卷搜採極博楊升菴譏其浮濫未爲  
定評也

秋夜澈湖望月

澈湖湖上桂花秋海月當年滿畫樓彷彿錢塘六橋夜至今  
人說小杭州

徐咸二首

丁籤卷十四

九

咸字子正泰弟正德辛未進士授河陽知州遷襄陽

知府有東濱三稿

和石門懷陳句溪沈紫硤

紫硤逃名士句溪遁世翁兩峰盤谷景一曲鑑湖風雪映吟  
髭白梅薰酒面紅何時過蕭寺共聽五更鐘

西村畫

平蕪漠漠遠山青楊柳風多水氣腥好似衡陽舊遊處蒸湘  
斜抱合江亭

鍾梁一首

梁字彥材海鹽人正德甲戌進士授刑部主事歷員  
外郎中諫南巡杖闕下尋出知濟南府改南昌有西

皋集

暮春

楊柳依依杜若香  
陂塘水煖浴鴛鴦  
多情惟有春來燕  
又逐東風入草堂

陳瀛一首

瀛字古厓海鹽人國子生授宛平主簿遷龍巖知縣  
雪夜過妙光寺

朔雲卷水氣憑陵  
此夕山陰興已乘  
高笠短蓑還出浦  
滿湖風雪夜尋僧

丁籤卷十四

明詩紀事

貴陽陳 田輯

丁籤

史鑑 十二首

鑑字明古吳江人有西村集八卷

四庫總目史鑑詩落落無俗韻

宛翁家藏集明古於書無所不讀而尤熟於史論千載事歷歷如見有劉道原之精時事人言得於聞見筆之成編有洪容齋之博為文紀事有法詩不屑為近體冥搜苦索欲追魏晉而及之家居水竹幽茂亭館相通客至陳三代秦漢器物及唐宋以來書畫名品相與鑒賞好著古衣冠曳履揮塵望之者以為列仙之傳也

靜志居詩話西村才名亞於石田然以詩論刻意學古似當勝沈一簫  
田按西村集五字詩為勝七言斷句亦有風韻

丁籤卷十五

鍾希哲者台州人也妙於傳神賦詩紀之

人生無百年五十又過一去者日以多來者日以偁情慾與寒暑晝夜相剽賊徒行已須杖短髮不任櫛顧茲孱弱軀那為久存物一朝隨化盡形容不復識鍾生妙傳寫為我聊把筆傳染借丹青經營自胸臆精神與形似毫髮無所失端如鏡中影恍若水底石大均斯賦形其理固莫測孰知毫采功妙奪造化力我聞先正言自治不外飾求真既為妄望久甯非惑君看古人像存者無百十惟能慎厥修庶幾為永則

重陽庵

我遊重陽庵不見重陽子丹成飄然與世辭騎虎遨遊太清裏三山等鰲簪四海猶杯水萬里一瞬間千年片時耳後人

作屋青山頭重陽不來人自遊長風蕭蕭日杲杲醉卧白石  
臨清流青衣洞深且幽銜花野鹿鳴呦呦仰招白雲喚白鷗  
吾將與爾仍丹邱

憇奉慈庵

松頭孤鶴下石罅亂泉鳴入鷗疑無路逢山屢問名客行忘  
遠近僧老廢將迎一笑出門去五湖風浪生

飲烏步顧氏村居

去郭逾千步清風自一鄉日斜魚市集歲久水祠荒草色遙  
連浦花枝半出牆西南山更好欲渡苦無梁

孤山

一上孤山望春陂帶夕曛西來千嶂合南下兩湖分路遠前

丁籤卷十五

朝寺雲埋處土墳畫船歸去晚歌吹月中聞

經上海縣

岸崩橋易圯水濶渡難招浦淑遙通海舟航半趁潮市聲先  
旦集野樹未霜凋明月如相識依依伴寂寥

冬夜逢臨川聶雲章話舊

頻年違晤語此日賁林垆鬢髮緣愁白家山入夢青功名成  
潦倒書劍尙飄零明發松陵道離歌惜共聽

聚遠樓

新起高樓九溪上無邊風景在虛櫺太湖一水際天綠洞庭  
兩山終日青帆帶夕陽來冉冉雁拖秋影入冥冥何人卷幔  
吹簫坐明月滿空涼露零

題小景送人歸宜興

朝下銅官去暮向銅官歸春風被花惱滿山蝴蝶飛

蘇隄對酒次沈啟南韻

雨後滿湖生翠茗畫船歸去水迢迢生憎蘇小墳前草野火  
曾經幾度燒

何克廉宅觀妓

一曲清歌遠畫梁春風吹散舞衣香酒酣卻笑蘇州守何事

樽前欲斷腸

震澤竹枝辭

震澤雨晴添水波郎船將發唱吳歌誰知三萬六千頃不及  
儂愁一半多

丁籤卷十五

三

方太古

六首

太古字元素蘭溪人有寒溪子集

吳之器發書王化成嘗過太古擷蔬食之次日報謝亦以蔬進太古正色曰故人山人草具固爾伯安徹侯也胡為乎山人具文成遜謝改治具嘗與唐文襄相失會文襄以太宰召貽詩曰世態經秋葉浮名下瀨船文襄為之悵然召任放如此  
四友齋叢說孫太初過汪人未有知者方寒溪一見大為延譽太初詩格本高又儀狀軒舉丰神俊異後聲譽遂出寒溪之右  
田按太古負氣傲岸山澤俊人詩亦灑落不凡

夜坐喜晏伯謙談禪

海月未出山清宵起燈燭草坐偕道流談禪暢幽獨雲岩一  
何深心遠境自足冷然忽成悟風吹隔窗竹

寒食

寒食

春光二月忽三月天氣單衣又夾衣樹樹梨花相對發家家  
燕子總雙飛客懷不慣逢寒食歸路還思住翠微溪上柳條  
新弄碧煖風晴日待儂歸

憶溪上梅花

去年冬早溪流淺重憶開時誰主張一樹隔簾雲弄影萬花  
回夢雪生香最多畫意山松閣占斷風情水竹莊何日歸來  
酬汝願小楸秀句放清狂

讀孫太初去冬所寄雜詩

發笥得詩肝肺熱山人與誰同住山碧雲行空月皎皎春風  
滿地花斑斑昔年鍼綫只自好今日門戶如子閒愛說輕身  
事修煉吾當爲汝解連環

丁籤卷十五

四

玄墓山上方

危欄倦倚帶斜陽今夜禪床借上方七十二山何處是洞庭  
烟水正茫茫

客散

客散書堂秋日涼山風吹雨葛花香竹床藤簟茶初熟消受  
山人午睡長

程玄輔一首

玄輔字叔朋歙人

懷楊儀部君謙

故人久無書山川隔淮楚相思不可攜獨卧江東雨

朱曜一首

羅字叔暘松江華亭人以貢授清江鹽課提舉有玉洲集

題陳清之畫

鈞罷煙江發棹歌夕陽歸路柳風和明朝挾網來須早水漲

桃花魚正多

李孔修一首

孔修字子長順德布衣

霍翰渭崖集子長少從白沙游颯然鶴思不伍於世破廬薄產蔬食不繼未嘗作皺眉作詩寫字自爲一家或觀眺山水間歸而圖之見者爭愛而酬之曰李子長畫云平居管帽朱子深衣廿年足不越城闕有古林遺魏野種放孺子雲卿之風子長父殲庶母改適民家誣子長沒其產縣官繫鞠之子長無言道之供操筆曰母告委是情真縣官繫之覆鞠得其情乃知其賢禮敬之少年時輸糧於官縣官異其容止

丁籤卷十五

五

詢姓名不答惟一拱手縣官叱曰何物百姓乃爾拱手耶阿之退又再拱手縣官怒答之五竟無言以出白沙先生知之戲之詩曰驢背推敲去君知我是誰如何又兩手剛破長官答子長之詩曰月明海上開尊酒花影船頭落釣蓑白沙玉稱之日後廿年恐子長無此句

遊西樵山

奇花不盡留春久宿雨纔收見月新閣外凌雲高去鳥山中

問道遠邀人

謝承舉 六首

承舉初名璿字文卿更字子象上元人有東村稿采

毫錄西遊錄在客稿日得錄廣陵雜錄湘中漫錄

顧璘息園存稿謝子象八歲善詩客命賦暮秋揆筆立就至紫塞風寒雁叫霜客驚嘆呼爲奇童稍長從吳元玉學見其深林下馬蒼苔滑野寺入門秋爽多句擊節鑒賞柴墟儲靜夫爲南考功作檀園詩社引

子象與諸文士聯句往往出奇絕眾常屈一座兄弟  
四人各善詩畫風流清邁時擬謝庭諸郎  
金陵瑣事李著學畫於沈啟南學成歸家只做吳次  
翁之筆以售緣當時陪京重次翁之畫故耳謝子象  
題其畫云銀河無路泛仙槎一舸空江此是家殘月  
照人秋睡穩不知清夢在蘆花  
田按盛仲交合史癡翁金赤松詩爲江南二隱稿子  
象詩品當在二人之上癡翁赤松自以書畫重耳

### 月子河卽景

風便小舸輕如葉中流浪平無驚嗟溪女捕魚水禽起野叟  
賽神村鼓颺丹青剝壁見古廟雞犬上樹知人家秋江景物  
看不厭霜菊挂岩開紫花

### 揚州馬次甫見過病中以詩道意

三百江程一日風又從橋口繫孤篷忽驚深巷來佳客不厭  
寒門問病翁舊事多傷春鬢白好詩留翦夜燈紅階前卽便

### 丁籤卷十五

六

呼兒拜眼底誰人識馬融

### 夢中作

瓊瑤洲畔拾芙蓉玉女青童兩隊從明月一江天似水夜涼  
騎鶴下西峯

### 睡起口占

茶滄花磁洗睡魔枕流亭上暮涼多狂飈吹下西山雨一片  
秋聲戀敗荷

### 送劉文獻

石城柳色春猶淺錦席燈花夜未分明發北風江棹穩思君  
又隔洞庭雲

### 寄何圖樵

山中酒熟君思我雪裏詩成我寄君東望海門三百里不勝  
離思亂江雲

畫雁

湖上蘆黃水拍天湖頭人去少書傳秋窗正有孤眠客莫送  
哀聲到枕邊

送蘇子升往萬川二首

荊州西去接夔門三峽波濤不可論一曲驪歌臨別酒楚雲  
巴樹總銷魂

采石江頭芳草淒峨眉積畔曉猿啼扁舟穩泛桃花水好逐  
春風訪灤西

董溪二首

丁籤卷十五  
澗字復宗一字子溍海鹽布衣

七

樵李詩繫蘿石少慷慨慕義家貧工詩與沈周孫一  
元鄭善夫諸公遊放浪山水年六十八聞王陽明講  
學山中以杖屨瓢笠詩卷訪之入門長揖上坐陽明  
異其氣貌又知其爲蘿石也與之語連日夜蘿石悚  
然起嘆執弟子禮盡棄舊學所游者誦之蘿石曰從  
吾所好而已更號從吾道人未復參證內典嘆曰今  
客始得歸矣與釋法聚結社海門山寺許相卿曰始  
余見從吾子專於詩遺其家甚難之愈益怪之學三變  
詩甚愧之終入於佛嗒然自遣也愈益怪之學三變  
而卒歸於空有詩云我非汗世中者儻偶來七十七  
春秋自知此去無些染一道天泉月自流其有得於  
道者歟

宿韜光次玉關谷

看山意不盡信宿禪家坐石雲生袖談經天雨花閣虛松  
夜奏林煖筍秋芽老得王濛癖逢僧不厭茶

野眺

雲山重疊帶江邨  
花落水流天氣昏  
應有野人春卧穩  
流鶯嗁過不開門

周恭一首

恭字寅之崑山人有和中峰梅花詩一卷樵玉稿十

卷

梅花主人歌

山迢迢兮溪曲曲中有人兮結茆屋玄鶴無聲兮花渺茫主  
人吹笛兮花斷腸

梅花草堂集周寅之自號梅花主人性嗜梅年四十始得數畝之宅週遭有池池立叢篠樹梅環之每寒日瞳瞳六花將笑香雲旣斂瘦影橫斜輒歌小辭樂之子嘗見沈政南作梅花主人圖用梅花道人墨法卷高尺有咫而橫濶可一丈五七許矮屋壓頭野竹亂插成籬落屋外冷蕪疏枝嫣然欲笑檐楊寒寂主

丁籤卷十五

八

人坐其間隻袖垂膝有撚鬚苦吟之致門通曲徑徑接小橋隔水數峯亂插雲外山嵐隱現都潑青黛色散木叢立莽互不可辨一山勢峻而近峯極隱殿閣浮圖直倚霄漢宛然玉山風景躡屐問徑始可得梅花主人隱居所在啟南故不識主人主人嘗以一詩爲贊居然得之雖復一時弄翰彼此慕尙之想想其風格蓋亦儵然物外者耶

薛章憲一首

章憲字堯卿江陰人有鴻泥堂小稿八卷續稿十卷

遊張公洞

東家蹇驢許借我薄暮結客山中來有時山鳥獨自舞  
野花相映開側身蟻行人窸窣累足魚貫攀崔嵬僕夫起餐  
覓歸路已去難忘首重迴

謝復一首

謝復一首其詩水滸天濤香風音漉人春留戀詩

復字一陽祁門人有西山類稿五卷

山居

衰疾朝慵起荆扉午未開雲閒不飛去鳥倦自歸來果熟從  
人摘松疏擬更栽狂歌白日永獨步前山隈

魏偁二首

偁字達卿鄞人以貢授石城訓導有雲松詩略

輓長清李處士

芒屨竹杖謝風煙江郭南頭卧一廬別館花開人醉酒小窗  
月落客成篇誰圖粟里高風在惟有龍門盛會傳惆悵故人  
思舊處數聲鄰笛夕陽天

少年行

丁籤卷十五

九

囊弓插羽氣如虹白馬翩翩過市中解射飛鵬向沙磧姓名  
近報建章宮

倪復二首

復字汝新鄞人有畏齋稿

田按畏齋甬上者宿著書甚多詩亦琅琅雅音

讀史

飄風起末路日色無光輝猛虎厭獸肉騶虞恆苦飢羣狐處  
中堂麒麟受羈縻陳竇竟火滅衣冠落塗泥上天杳且冥是  
非何所咨古來共嘆息後世成蒼龜

感寓

風高殘暑清露白秋夜長蔓草不復滋螻蛄弔流光繁思縻

中襟戚戚何能忘鸞刀未發劓割摧鋒鏗寶鏡匣中埋垢  
汗何由明元運自淪忽白日去茫茫瑤華恐不實浪滅沈風  
霜安得松柏姿歲寒色蒼蒼

史自守一首

自守字端仁鄞人

過石碑邨居

平原蔓草路橫斜寂寞依稀隱士家  
山檻雨霏歸燕子籬門風顫落桐花  
床邊露滴春筍酒燈下塵飛夜碾茶  
白叟不知京洛事瓦盆竹几樂年華

莫止四首

止字如山無錫人有南沙集

丁籤卷十五

出按南沙詩琢句清新七律尤見雅裁

舟中望雲海亭時曙色未分風利不得泊

拂曙過清山荒亭杳靄間十年曾我到  
一日豈天慳湖面雲增闢崖跟浪打頑  
興亡今古外鳧雁自飛旋

渠南一老亭次韻

石渠悠悠南有亭亭中人是少微星  
新添十竹皆紫玉恰對九峯如畫屏  
觀物襟懷閒處愜倚床詩夢午時醒  
逍遙此是長年國放蕩誰拘述與形

次韻楊長史崇周閒居

庭草青青生煖煙壁間琴久欠徽絃  
箋天舊草三千疏漫興新題一百篇  
林鳥巢多知地僻水花開晚爲誰妍  
到門溪漲

喧漁子涸鮒膠舟憶去年

寄龔時亭

背郭幽棲止數椽安心調息引流年  
午檐花動鳥窺戶春渚艇橫風滿川  
物妙每於閒處得時情都向懶中捐  
懷賢更有千秋興細和陶詩手自箋

羅燾四首

燾字元溥上元人官光澤主簿有淵泉集

金陵瑣事羅主簿燾晚過東山寺云聞鐘知寺近逢  
鹿覺山深宿高座寺云月來半榻寒松影風送滿山  
秋葉聲  
露書原溥詩清新有致

野興

閒臨白石邊竝立絕塵想雲來綠樹迷  
雨過蒼蘿長遠村牧笛鳴小浦漁歌響  
淹留歸去遲月照蘆花港

丁籤卷十五

十一

寂照寺訪僧不遇

漫轉青蘿徑閒敲白板扉雲關僧已出  
煙樹鳥爭飛苔色侵經案松枝挂衲衣  
深林獨回首空翠落霏霏

秋晚秣陵道中

匹馬迢迢度遠村荒林煙火漸黃昏  
路經秋水橋全沒山帶寒雲樹半吞  
蘆渚風生棲鷺鷥柴門人靜聚雞豚  
秣陵極目增歸思暮景蕭蕭易斷魂

天關山居次海峯韻

石磴雲深路轉斜地臨天闕隔塵譁  
秋來信步閒尋寺曉起科頭自灌花  
詩就小童知捧硯客來鄰叟爲供茶  
山林莫道

無交接門外時停長者車

錢百川 一首

百川字東之無錫人有寒齋狂稿

盛明百家詩東之少年學琵琶半日度四十曲人以爲神解詞賦多不傳晚宗陳白沙

村晚

埜店喧沽酒江船爭買茶東風吹浩浩西日下斜斜緩步隨流水狂歌踏落花欣然忘所去一笑過鄰家

陳蒙 二首

蒙字允德常熟人有泛雪集

田按允德詩宗四明蘇秉衡七絕殊有標致

題石田翁贈朱守拙小景

丁籤卷十五

十五

野藤刺水竹籬斜落盡東風枳椇花日午不聞茶日響春城買藥未還家

田按王漁洋謂藥花入詩多新異歷紀陳白沙恰到溪窮處山山枳椇花楊夢山記得任家亭子上連翹花發共銜杯楊升菴滿城幾日黃梅雨開徧金釵石斛花予謂允德野藤刺水竹籬斜落盡東風枳椇花尤有風致也

聞笛

落盡梅花雪滿庭故園楊柳夢中青羌兒馬上傳來曲今夜關山月裏聽

張鈇 一首

鈇字子威慈谿人有碧溪集

泊舟見桃花盛開

旅況託尊曩尊空愁更來人隨春燕去心與暮潮回驛鼓青帆下橋燈水市開桃花明兩岸渾訝入天台

戴冠 一首

冠字章甫長洲人以貢授紹興府訓導有濯纓子集

嚴子陵墓

君臣垂令名千載不偶然先生固尙志光武亦下賢斯人化去久清風播椒蘭灘水清見石客星長在天

徐岳 一首

岳福甯州人

福甯州志成化間有徐氏子名岳年七歲穎異過人其父與客遊興慶寺客題詩壁上命岳和之岳題云松竹寒仍秀梅花冷更香夜來三尺雪清曉玉爲堂

絕句

丁籤卷十五

三

風雨惜春殘閒庭獨閉關白雲飛去後還我舊青山

王烈 二首

烈字正邦樂安人有尋樂集十卷

江西詩徵正邦性敏行篤鄉黨比之王彥方弘治中張東白薦修大明會典檄至而卒田按正邦詩有晚唐風致惜未得其全集錄之

遊桑林寺

江頭魚網雜魚竿江畔幽人度竹關香積飯餘飛鳥散瑤臺經罷老僧閒懶雲不雨歸方丈小樹無枝著假山三笑桑林眞落魄暮潮猶帶夕陽還

西隱寺

金輪峯畔舊招提，曲徑幽通古木齊。  
萬壑煙雲山遠近，半空樓殿路高低。  
篠階廡地開花隴，石磴分泉出稻畦。  
鐘杵晝閒禪意定，竹風檐鳥盡情囈。

### 青山菴

一道橋橫碧澗流，青山菴古白雲幽。  
老松迸石矮遮屋，修竹接天高出樓。  
日午麝香眠砌草，風低翠羽泊簾鉤。  
狂夫野趣眞閑散，半百浮生漫浪遊。

### 晏良用 一首

良用初名才正字北山，新喻人有北山漫稿。

### 山中次韻

結屋依雲靜，凭闌野興孤。  
鶴聲煙樹遠，人迹雨苔蕪。  
歲月雙

### 丁籤卷十五

丙

蓬鬢溪山一酒壺，老夫無俗累耕鑿是良圖。

### 王鑑 一首

鑑字美璞，莆田人。

蘭陔詩話：美璞少有至性，父母卒，廬墓六年，一夕樵人遺火燒山，大雨倏至，草廬無恙，又有雙虎馴擾於墓側，人稱爲王孝子。列朝詩集錄宮詞一首，未詳字里，不可不亟爲表揚也。

### 夜坐

對月坐來久，懷人詩不成。  
誰家吹鐵笛，偏送斷腸聲。

### 邢參 二首

參字麗文，吳人有處士集。

列朝詩集：麗文嘉遊城市，以著述自娛。徐昌穀祝希哲，皆尙之。嘗遇雪，累日，囊粟兀坐如枯株。人往視之，見其方苦吟，誦所得句，自喜。昌穀爲作歌以申歡慕。辭曰：雲中鶴子鳴且蜚，三三五五將焉歸。歸在外。

野獨徘徊從朝無梁暮不炊於何求乎蘆之漪我將  
往饋羹中魚將子不飢兮我心愉  
靜志居詩話麗文狷者除夜有海佑以百金乞墓文  
峻拒之抱膝擁衣飢以待旦明初高侍郎季迪有北  
郭十友麗文亦有東莊十友吳燿次明文徵明徵仲  
吳奕嗣業蔡羽九達錢同愛孔周陳清道復湯珍子  
重王守履約王寵履仁張靈孟晉故其詩云昔賢重  
北郭吾輩重東莊胥會誠難得同盟詎敢忘

題東禪璿公房

東城少僧寺賴此堪寄迹獨往路不迂嘗來意還適煖風逗  
鶯花宿雨滋燕麥不有高閑徒憑誰話今夕

寄朱性甫

坐探詩翁興不孤野航隨處勘新圖春風蒲柳鵝肥蕩夜月  
菱荷鶯脰湖兩地獨行堪貰酒一時相憶費操觚章涇流水  
清如渭泛覽何人爲接臚

丁籤卷十五

五

姚甸一首

甸字用宣嘉興人丹邱先生綬子官鴻臚序班有觀

坐料稿

錢福鶴離集姚用宣詩宗杜字學沈民則以善書薦  
直仁壽殿

秋夜

水檻平添一尺波前溪坐見沒殘荷晚來雨過聞絡緯只有  
荳花棚上多

吳玘一首

玘字鳳翔無錫人

送秦大參廷詔之閩

膏車秣馬促晨興且盡離筵酒數升賸有才名繼常袞可無

詩句弔嚴陵春耕農畝勞行部夜坐入家不禁燈別後有懷  
空仰止閩山高出白雲層

鄭達一首

達襄陽人崑山知縣

新燕

東風庭院柳飛花補得新巢日已斜莫把新愁向人說長安  
有客正思家

羅周一首

周字汝濟紹興山陰人處士絃子有梅隱稿十八卷

荔枝山鳥

雨過蠻溪飲瘴煙腥紅萬顆壓枝鮮誰知山鳥偷銜去又是

丁籤卷十五

六

紅塵一騎前

崔徵一首

徵字淵甫吳江人國子監生有傳響集

靜志居詩話淵甫年未三十而天當其存日楊君謙  
吳原博李貞伯都元敬沈啟南周伯器史明古諸君  
皆與訂忘年之交原博尤重之呼為崔小先生云集  
中和唐詩多至三百七十餘首恪守唐人矩矱而未  
成變化使假之年當不止是此諸君重為悼惜也

秋雁

迢遞辭邊塞聯翩入楚鄉江深空見影天闊遠成行暮雨愁  
繪繳秋風足稻梁數聲何處落應斷客中腸

趙善諫一首

善諫字景行廣州順德人有閑言集

漁人

浦口鳴榔急清江水漫流得魚便沽酒明月在扁舟

丁籤卷十五

七



漁人  
浦口鳴榔急清江水漫流得魚便沽酒明月在扁舟

八

明詩紀事

貴陽陳 田輯

丁籤

杭濟一首

濟字世卿宜興人弘治癸丑進士授吏部主事歷員

外郎中出為福建提學副使歷參政終布政使有澤

西集

梅花卷

暗香疏影詩人句小閣春風畫裏看彷彿西湖冰雪裏一枝

清瘦不勝寒

杭淮七首

丁籤卷十六

淮字東卿濟弟弘治己未進士授刑部主事歷員外

出為浙江按察僉事進副使改山東又改雲南歷湖

廣按察使山東河南布政使擢南太僕卿以都察院

右副都御史總督南京糧儲有雙溪集八卷

四庫總目淮與兄濟並負詩名與李夢陽徐禎卿王守

仁陸深諸人遞相倡和其詩格清體健在弘治正德

之際不高談古調亦不沿襲陳言頗諧中道

遵嚴集雙溪詩雖裁製錯出律調不同歸之嚴整雅

健體高而意正音舒而節越有前世作者之風

靜志居詩話雙溪詩極其道鍊如繭絲抽自梭腸似

田按東卿詩不事叫囂自饒古格在七子派中與大

復昌穀為近

送王文熙守制還家

春入燕關道草色青已齊驥裏君馬白絡首南向嘶倉皇攬

衣裳起餞不可攜別離亦已惡矧子在哀迷慘澹春日暮淚  
落黃山溪

見李介菴卷因念其人賦此詩

濯濯楊柳枝開花大江隄轉盼春風顛飄泊岸東西美人隔  
江水何當共襟期臨流和漁歌褰裳掇江離思之不可卽仰  
視白日馳玄髮日已變夕惕恆自持願將青青柏遺君長相  
思

再過浪滄橋

西行每濟此神魂欲驚飛下俯千尺濤橋柱浮傾欹掉聯四  
鐵鑱歲久恐不持仰視壁巉竦上與浮雲齊霾日午氣昏挂  
藤猿臂垂下馬爲歛足俯仰立嗟咨大江從西來萬派通番

丁籤卷十六

二

夷兩崖似束縛不敢爲四馳天空木葉下長風吹我衣蒼茫  
絕域晚躑躅遊子悲

襄陽習池

青山愛峴首春風還習池尙想山翁醉惟遺羊子祠巖花落  
冉冉江柳垂絲絲亭臺斜日落今古一長咨

送李獻吉餉軍甯夏

塘南淺淡野蓮白塘北高低秋蓼紅思君只在別君處跨馬  
時來月明中

送錢水部致仕還無錫

張公洞深白日裂吳溪水煥青蘋香夢中風土亦不惡他日  
與君俱故鄉

李少宰蒲汀送蟹兼有詩

江郭經霜正爾思青蒲束縛到堦墀開詩先已知風味不在持螯對酒時

韓邦奇一首

邦奇字汝節朝邑人正德戊辰進士除吏部主事歷員外言事謫平陽通判遷浙江僉事以裁抑中官下詔獄斥爲民起山東參議改山西乞休起四川提學副使入爲春坊右庶子謫南太僕丞起山東副使歷大理丞進少卿以右僉都御史巡撫宣府入佐院事進右副都御史巡撫遼東改山西引疾歸起故官督河道遷刑部侍郎改吏部拜南右都御史進兵部尙書參贊機務致仕歸陝西地震死贈太子少保諡恭簡有苑洛集二十二卷

丁籤卷十六

三

四庫總目當正嘉之際北地信陽方用其學提唱海內邦奇不相附和以著書餘事發爲文章不必沾沾求合於古人而記問淹通凡天官地理律呂數術兵法之屬無不博覽精思得其要領

田按正德中汝節官浙江僉事時中官採富陽茶魚爲民害汝節作富陽認江之云富陽江之魚富陽魚之茶魚肥賣我子茶香破我家采茶婦捕魚夫官府拷掠無完膚昊天胡不仁此地亦何辜魚胡不生別縣茶胡不生別都富陽山何日摧富陽江何日枯山摧茶亦死江枯魚始無山難摧江難枯我民不可蘇中官王堂奏汝節阻格上供作歌怨謗帝怒逮至京下詔獄斥爲民

送錢銀臺自考功之南都

考功天部客長嘯出春明祖席開燕閣繁花發帝城晚風催去舫新月照行旌聖主思弘化還應召賈生

韓邦靖 六首

邦靖字汝慶邦奇弟同榜進士授工部主事遷員外  
應詔陳言繫錦衣獄奪職爲民起故官擢山西參議

有五泉集

苑洛集王九思曰五泉子七言絕句類杜子美古詞  
歌凌淫唐初逼漢魏

列朝詩集汝慶才藻爛發

田按五泉子七古摹初唐極富才情五言亦窺盛唐  
格律惟早傷萎折未見其止

玄明宮行

長安送客城東道柳葉楊花春正早玄明宮前下馬時一片  
煙光幕青草宮中道士邀我入素菓清茶日未昃白河東下  
楚城西指點湖山三歎息正德三年與四年劉瑾專權斧屐

丁籤卷十六

四

前可憐帝主推心腹縱有邱張豈比肩帷幄空多戚里恩論  
思無復侍臣尊千官盡走東河下庶政全歸左順門震主傾  
朝不自知回天轉日更誰疑金貂滿座銜恩日朱紱升堂頌  
德時翻嫌仇李光榮薄卻笑曹侯意氣卑謀生已拙還謀死  
更起玄明作蒿里甲第侯王已莫倫陰山將相那堪比土石  
西山半欲摧棟梁南國萬牛回虛閣平臨金闕杪假山下指  
鳳城隈琪花瑤草尋常得萬戶千門次第開千門萬戶何透  
池玉鼎瓊几更絕奇金人兩兩坐相向錦石亭亭立不危崇  
垣豈止行干堵佳樹俄看大十圍玄明之宮高莫匹四海京  
師皆第一金盃常思埋甲盾銅駝不解生荆棘自古威權不  
到頭九重一怒罪人收幾年烈焰俱灰滅一旦冰山作水流

冰山烈焰事俱非座上門前客盡稀須臾蔓草繁枯骨宛轉  
佳城屬羽衣門掩官河十里長山藏隴樹一千行今古誰存  
三尺土姦雄空作百年忙春風有燕時雙入寒食何人奠一  
鷓低雲拂翠迷寒柳愁雨沾花落晚香臥牛不得歸岡勢忽  
鶴空聞繞夕陽夕陽漠漠鶴歸遲卻憶立明全盛時千人舉  
杵萬人和九仞爲臺十仞池雨露霜霾歸喜怒層青丹碧豈  
珍奇萬民累足臣屏息四海離心主不知倚社難薰古如此  
操刀必割誰能已三穴那能窮帝旁萬幾况復歸司禮救枉  
扶偏本不同更張琴瑟始成功還期聖主恩前事莫遣立明  
有別宮一興一敗一登臨千樹千花笑古今崢嶸乍可誇豪  
傑轉眼繁華日易沈

丁籤卷十六

五

田按立明官行自以空同大復爲連壁汝慶此作亦其亞也

送謝屯部之湖廣

謝子同官久春深獨遠行山花孤棹發江草旅愁生桂嶺通  
巴國岷江接漢城登臨雲日暮何處是神京

送馬欽湖先生

當代文章客如君生事微功名殊未達湖海意多違行色萌  
春柳江聲轉夕暉荆襄全盛地努力莫思歸

關中

蜀寇金州入邊兵鐵騎連風塵迷故國消息斷殘年劍月明  
三輔烽雲散八川西征推總制勿使聖心懸

葉家樓

武皇北巡會此駐蹕

一曲朱欄倚綠楊，葉家樓閣本尋常。曾看萬國來佳麗，不信當年駐帝皇。花繞香雲還五色，草和秋露但斜陽。江南江北無窮恨，八駿原誰馭穆王。

### 春興

十里晴烟散薜蘿，輕寒乍煖試清和。柳眉杏臉桃花淚，各有春愁誰最多。

### 方鵬一首

鵬字時舉，崑山人。正德戊辰進士，授南禮部主事。改南刑部，歷員外郎，中改南兵部吏部出，爲浙江參議。歷山西副使，用薦改右春坊右庶子兼翰林修撰。遷南太常卿，有矯亭存稿十八卷，續稿八卷。

### 丁籤卷十六

六

方鳳改亭續稿矯亭詩文平實典雅，靜志居詩話矯亭古詩効陶近體學白頗饒自得之趣，其自題小像云：此像何人，斯吳淞方矯亭，頗記前身事，生可六七齡，一疾遽天，死天地爲冥，冥蒼頭抱我哭，諸婦痛拊膺，思其家乃城居，面北高檐，楹臨街，屠沽陰風助哀聲，思之宛如昨，語及輒涕，暑性靈想不寐，還復得此生，乃知記憶前身事，匪獨鮑井羊環也。

### 秋野

涼雨經旬暑盡消，荻花楓葉暗溪橋。深門菴迴車馬浩浩，江湖隔市朝滿地，稭稌喧烏雀，幾家煙火混漁樵。非無使者弓旌在水闊，雲多不可招。

### 方鳳 六首

鳳字時鳴，鵬弟，同榜進士，除行人，遷監察御史，有政。亭存稿十卷，續稿六卷。

田按改亭詩不事摹擬自饒香色

### 晚泊安陵

輕艫依樹泊小店枕流開城柵歸鴉散牆燈宿鶯猜風狂欺  
客鬢酒薄減詩才怕是微茫月將愁入夢來

### 乘月登矯翁新疊山

有山不必論真假無客還須自主賓小洞著雲梅雨細方池  
皺綠竹風勻一奩短髮閒邱壑半世高吟伴葛巾此夜躋攀  
窮醉眼露華清淡月如銀

### 約段同年石庵游西湖

耿耿懷人百里心野塘秋水碧沈沈功名染指春雲薄尊酒  
論文夜雨深白髮無情空貯藥青山隨處可攜琴翩翩野服

### 丁籤卷十六

七

乘新霽好向西湖續舊吟

### 送湯二尹歸兼簡彭子充

五袴歌謠滿路歧何來蕙苴忽生疑吳田春水留遺跡蜀道  
寒雲感去思枳殼花飛風翦木蘭舟發雨絲絲詩壇若見  
彭夫子爲說方干有夢馳

### 輓全虛舟

泛泛虛舟隨處泊伴雲出去伴雲還詩狂酒興今何在月戶  
風簾夜不關心事要論形迹外生涯長在有無間若知羽化  
眞消息不用臨風兩淚潛

### 秋江

獨臥滄江秋已遲可無新酒伴新詩生涯只在荻花渚日日

尊鱸不用思

傳汝舟 七首

汝舟字木虛一名舟侯官人有前邱生行已外編七

幅菴草吳游記唾心集步天集英雄失路集拔劍集

筓篔集吟塵存卷棄存稿烏衣燕子諸集

少谷集傳生詩淵致蕭散多發之性情其道江湖林壑神仙隱直臻其要妙上下魏晉抗聲於武德天寶之間大慝而還不論也

藝苑卮言傳汝舟詩如言法華作風話凡多聖少

小草齋詩話鄭繼之同時倡和諸子有傳山人汝舟高山人激林侍御銀許黃門天錫然昔格卑語便

能自振獨傳差有塵外之語如松花風送時入口竹杖雲生常滿衣永夜松風掃星月經旬衾枕傍天河

天風驅雲不出洞家鶴拜客時登堂亦自蹀躞可喜李維禎大沁山房集遠度恆言七子如徐吳有氣體

無神骨近日袁中郎輩反是婁江慝下互有短長之列朝詩集徐興公曰汝舟詩雖師鄭吏部而天然之

丁籤卷十六

八

趣尤勝如雖貧一榻能高臥縱老名山欲遠尋焚香

漫與僧來往得句惟應弟唱酬郊原亂後飛烽火村落年來變劫友異書自得作者意長劍不借時人看

呼來鶴鷓添新侶拋去鸚鵡省舊樺新點玉書仙賜讀舊趨瓊閣帝容歸等句吏部當爲御步

問書武夷天心峰在火燄峰右象鼻巖巖上三峰屈曲毗連如心字之形又此地深隱爲洞天中心嘉靖戊

子徽人韓洞虛鑿荒構屋張真人彥頤扁曰天心傅汝舟詩朝登三仰峰夕宿天心庵久入名山遊溪徑

頗盡諸始知九曲外復有南山南森邃更險竅深篁倚煙嵐沙田稻翼翼巖桂花甃甃疏籬隔雞犬朽樹

藏峰籬田按丁戊山人詩初矜獨造晚遁荒誕擇其入格者錄之亦是幽絃孤調山人享大年具異才談佛談仙

亦作北里中豔語初與鄭少谷遊慨無所與芽止生卓去病張文詩太青倡和少離怪誕無所不有少生卓

集中無是也論者乃專謂山人刻意學少谷何哉

初度

明朝初度至覽髮奈年何歲旱龍無語吾衰鳳不歌巖齋孤

對海石榻絕攀蘿莫怪違時性山林自一科

登襄城

客子道路浮雲輕北風發發飄蠻荆二妃漢濱昔解佩龐公襄陽今入城天清岷山水上出日倒習池花內明錯將玉笛興此弄盡使九天鸞鶴驚

擬築宛在堂奉招石門隱君

城外西湖煙霧光孤山宛在水中央門開獨樹懸青磴徑繞千花上碧堂蘭艇桂棹操自穩藥房荷榻臥偏長秋波不隔尋真路與須君到隱鄉

陪汪郡公謁勉齋先生墓

先生墳在庖犧谷異代虛無草木閒俎豆自今開特廟衣冠

丁籤卷十六

九

終古闕空山峰高元氣長回合地迴精靈定往還淺薄叨陪堂下拜幾瞻遺像愧塵顏

杜清碧故宅

不見平川杜伯原社煙村靄自朝昏徵君故宅遙相問去國微言竟莫存世亂冠裳終草莽年深鄉井少兒孫清江碧嶂愁看汝夜雨寒燈夢掩門

送張文寺遊西湖

當年自署西泠長近把蒲觴作臥遊寄語孤山雙白鶴主人歸矣不須愁

望山居

竹下焚香對玉屏春風池上酒初醒閒箋一卷長生訣解與

溪南白鶴聽

傅汝楫 一首

汝楫字木剡汝舟弟有臥芝集

閉門

頻年罷釀老愛酒客至無錢強出賒落盡庭梅三日雨香風

閒對一甌茶

丁籤卷十六

十



尚僅一願茶

選半歸願香爨酌登至無錢強出賒落盡庭梅三日雨香風

閑門

頻年罷釀老愛酒客至無錢強出賒落盡庭梅三日雨香風

傅汝楫 一首

溪南白鶴聽

明詩紀事

秦翁山人  
田輯

丁籤 寄崑崙山水畫圖

張詩三首

詩字子言本姓李宛平人有崑崙山人集

山人集

中麓間居集崑崙山人張詩在大梁與李空同歌詩

酬贈空同稱爲燕山豪士夜宴瓶芝忽墮以爲梓行

骨孫太初作詩贈山人有張子自高格入山從我遊

今兩瑤華崑崙山人鑲金刻玉咀鳳含麟

藝苑卮言張子言詩如甘州石斗色澤如玉膚理麤

漫 列朝詩集崑崙山人在武林時與孫太白論詩太白

自誇其青厓貼天日照芝草斑之句不減曹氏父

子子言掉頭大笑太白爲之奪氣子言笑謂坐客今

日崑崙山壓倒太白矣

田按山人詩亦有奇致以較太初去之尙遠李開先

推之過甚何耶

都下贈秦餘岳子

山色隨龍劍何時別五湖風塵萬人裏鸞鳳一身孤足躡煙

霞具腰盤海嶽圖三秋今獨見莫惜倒金壺

崔西戛山中別起樓臺寄贈

山人習靜謝氛埃甲第遙從天上開流水自然成澗壑閒雲

終日護樓臺珠簾度鶴窺金篆壁月穿花送玉杯鞭石不勞

蓬島去吹簫時引鳳凰來

贈秦餘寄山水畫圖

秦餘山人鸞鶴姿遙探江海躡靈芝醉圖萬疊丹邱狀樹是

琳瑯瑤作池

鄭作二首  
重藤林前日坐門輪樹石頂去長訓節與谷

作字宜叔歛人有方山子詩選

長水月空同集方山子詩才敏興速援筆輒成空同子每抑之曰不精不取乃兀坐沈思鍊句證體亦往往入格

利靜志居詩話宜叔詩頗俊利遠勝五岳山人

襄嘉逢徐少卿游王齋論水昏草自莢莢

八年方把袂萬里只含情  
已自忘顏面猶能記姓名  
深杯照落日寒葉動秋聲  
獨愧飛蓬影飄飄過此生

東汪用夫

空同齋首長自邑人其詩自風聞

我歸嶺嶠雲生履君汎江天雪滿船  
離思不堪還異地鄉愁無奈況殘年  
海鷗笑客時能去山鬼吹燈夜不眠  
一棹沙溪明月靜漁竿相把釣寒煙

丁籤卷十七

明目程誥三首

無奈哉誥字自邑歛人有霞城集二十四卷  
小題一賦

姓福列朝詩集自邑居於附溪自號附溪山人杖策遊華山從李獻吉遊酬和於繁吹兩臺之間黃勉之諸人

北學於空同者皆以自邑為介然其詩殊有風調

春日東風煙柳輕  
對天影漫漫  
隱隱微光

南郡非吾土東風慰久稽  
看花中酒後羸馬故城西  
郢樹連襄遠巴山到楚低  
王孫歸未得芳草自萋萋

咏史

志昌稿論宜叔精敏於保數親正丑山人

易水長虹白將軍首入秦  
荆軻無劍術不是報讐人

送芸上人遊滄人自衣山子稿

行盡春山翠萬重新林浦月坐聞鐘  
橫江東去長鳴鶴巢寄

南朝第幾松

戚韶 一首

韶字龍困松江華亭人有集

松風餘韻龍困好古博雅與王良佐張冕並以詩名孫文簡公初不深識龍困作二詩送之北上文簡合良佐與冕之詩並刻之曰三詩翁集

丹白記事

人情洵語浮尊腹裏千愁豈易消戰艦未收河朔賊居民  
虛斷灞西橋天須向曙星初滅樹未經秋葉已飄不似十年  
前意況青樓明月喚吹簫

姜玄 一首

玄字玄仲吳江人

丁籤卷十七

列朝詩集玄仲詩務雅澹極意陶鍊每成一詩輒復  
捐去著思再三芒藻幾盡不為時流所知蓋詩家之  
美逸民也

韻意雜詩

韻意雜詩  
諷討窮修曷頗悅古人情周楚先河濫漢晉浩波橫吐吞煙  
霞混組繡陽春生妙化猶九轉巧拙非一程隋侯自明瑩和  
氏自溫明既使領觚競又俾魚目爭所以絕琴者千載不復  
鳴

童瑛

瑛字延瑛蘭溪人自號耕樂子有耕樂子集

送蕭貴襄歸江西

白芷涼生八月秋尊鱸歸興滿扁舟風塵動是經年別尊酒

難爲十日留紅葉關河添客況黃花驛路使人愁從知此後  
思君處多在斜陽古渡頭

趙香 一首

香字水巖東陽人

弔杜少陵

往事淒涼傷客心少陵遺蹟此沾襟百年多難悲鄉國萬里  
長吟動古今秦地秋風茅屋破巴山落日草堂陰乾坤何處  
孤舟寄江漢蕭蕭暮雨深

童璫 一首

璫字汝器蘭溪人貢生官東平同知

華溪

丁籤卷十七

四

華溪釣隱誠自豪齊門操瑟非吾曹綸竿百尺水雲渺鐵篴  
一聲山月高放鶴引尋紫芝洞得魚醉臥滄江濤黃塵滿地  
不歸去萬里天風吹布袍

陳璽 一首

璽字德符閩人有守魯集

爲介菴叔父題畫屏

雪漫江天萬木落一  
間茅屋覆詩翁何人醉醒梅花月踏徧  
寒山路幾重



陳靈  
首